

Хурмат бусса лак, ххирасса буккулт! Барча зул Щусса шин. Барачатрашал, бахти-талихІрашал духханнав ва гьарнал ужагъравун. Аьдатравун багъсса куццуй, гьашинугу, зу барча бан, зукьлу-дуаь дан, махъ буллай буру бусравсса, сий дусса, миллатрал лайкъсса арсурваврахъхун ва душваврахъхун.



№1 (2219)

12 январь 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкссар 1917 ш.
Цунил итабакълан бивкссар 1991ш.



Аьрабустаннал делегация Дагъусттаннай

Хакъину Сергей Меликов хъунаавкъуну ур Аьрабустаннал Цацлунхъу Эмираторттал делегациялуцал. Делегациялул бакъину ур Мухаммад бин Загъидлул цанийсса Гуманитар элмурдал университетрал директор доктор Халиф Мубарак Аз-Захири.



Жул интервью

Расуллул махъ абадссар

Расул Хамзатовлул ттуршра шин Аьрасатнал культуралул оьрмулу хъунни хъунасса шаэрнал цаницун бавхлусса иширтал авадансса. Билятрал гьарца мурцний шадлугърал лагрулий кичиц ларгунни шаэр дуняллийн увккун ттуршра шин шаврил юбилей. Шинал лажиндарай хъуни-хъунисса трибунартая гьалгъа тий бия шаэрнал шеъррдайну.

Расул Хамзатовлул ттуршра шинан хас дурсса шадлугъру ци даражали хъуссарив ва жуятура ларгсса шин аьмнуреспубликалул магьирлугърал оьрму-



лулу цукунсса ккаккяртайну дакний лирчссарив буслай бур Республикалул

культуралул министр За-рема Буттаева.

Ахир. 10 лаж.

Аьрабустаннал Эмираторттаясса хъамал республикалийн бувкун бур юрухъ аьрххий, ми бувкун бур Дарбантлив, клул хъуну бур республикалул туристътурал объектирдащал ва мизитиртащал. Хакъинува ми лавгун бур ДГПУ-лийн, ДР-лул Национал музейравун, хъунабавкъуну бур Республикалул муфтий Ахмад Апанни Абдуллаевлуцал.

Хъамаллурал мурад бур уртакъну зузаву: туризмалулу, экономикалулу, культуралу-

ву, дуккавриву, экологиялулу, шьраваллил хозяйстволулу, цулулушиву дуруччавриву. Миннал умуд бур стратегиялул уртакъшиву дачин дувансса.

Цулулушиву дуруччавриву вайннал ххал бивгунни Дагъусттаннайхъунмасса Медициналул центр баврил масъала.

Дагъусттаннал бакъинал хъинчулийсса кьимат бивщунни ялун дучансса члул мал дуккавриву уртакъну зунтишиврий.

Хадур бувссар
ХІ. Аьдиловлул

Ларгсса шинал дурмунил хIасиллу

Январьданул 9-ний Дагъусттаннал бакIчи Сергей Меликовлул дунни агъамсса масъаларттал хIакъиравусса батIаву.

Ххал бивгъунни властьрал органнал региондалул ва муниципал органнал инсантурал лабизавуртта хъун жавабру дулаврил хIалкъазия, 2023 шинал Дагъусттаннай национал проектру бартдигъаву, Дагъусттаннай бивкIсса Палестиннал халкъуннан гуманитар кумаг баву.

Региондалул бакIчинал бакIрай бивсунни бигъалагай гъантрал тагъардания.

Ванал бивщусса къиматрайну, аьмну нюзмар ларгун дур паракъатну. Пландалийсса цинярда давуртту бартдиргъуну дур, энергетиктал ва коммунал къуллугъру зий бивкIун бур гужлансса низамрай.

«Чирахъру лещан буллай бия пландалийну, сетьру дух дуккаву сававну. Амма декабрьданий куннасса кризис чан хъуну дур республикалун энергетикалун хозяйство дакъин дувансса арцу итадакъаврийну. Электропередачарттал ххаллал капитал ремонт даврийну, трансформаторду баххана баврийну», – кунни Сергей Меликовлул.

Республикалун хъунаманал къулагъас дунни ххуллуп апатирттал тагъарданух ва тапшур бунни профилактикалул давуртту гужлан дуван.

Инсантурал лабизавуртта хъун жавабру дулаврил хIакъираву

Муния бивсунни ДР-лул БакIчинал ва ХIукуматрал администрациялул каялувчи Алексей ХIасановлул.

Ванал тIимунийну, региондалул ЦУР-данул ккаккярттайн чул бивщуну, 70% инсантурал лабизавуртту диркIун дур ЖКХ-лул давурттацIун дархIусса. Миккусса чIявуми масъалартту бивкIссар чани лещан баврицIунсса ва дяркъусса щин дукъаврицIунсса. Инсантурал буруккинтту бивкIун бур мукума ххуллурдал тагъардануцIунсса, къатIувсса чани бакъашивруцIунсса, цаппара кIантурдай светофорду зий дакъашивруцIунсса.

Лабизавуртту чIяруну

диркIун дур МахIачкъалалал инсантурайтусса – 175 лабизаву, яла Дарбантулал, Къизилюртулал ва Каспийскаллал.

Ччясса мутталай дузал бивну бур Къизлардал ва Хасавюртулал жяматирттал чулухасса цинци къадукъаврил хIакъиравусса масъала.

Алексей ХIасановлул бусаврийну, циняв материаллу тIайла дурккун дур властьрал профил органнайн ва идарарттайн.

Национал проектру

Региондалул цалчинма вице-премьер Руслан Аьлиевлул бивсунни Дагъусттаннай национал проектру бартдигъаврил хIакъираву.

Ванал бусаврийну, ми давуртту бартдигъин итадаркъуну дур 28,8 млрд къурушру. Проектру бартдигъин харж

Кулпатрал шинал давурттал план

Январьданул 10-ний Дагъусттаннал ХIукуматрай хъунни республикалий Кулпатрал шинал хасъсса давуртту бартдигъаврил масъаларттал хIакъиравусса батIаву.

БатIаву хъунни ДР-лул ХIукуматрал председателнал хъиривчув АьбурахIман МахIмудовлул каялувшиврий.

Масъала ххал бивгъаврий гъуртту хъунни ДР-лул захIматрал ва социал иширттал министр Мурад Казиев, министрнал хъиривчувтал ва

цаймигу жаваблувсса зузалт.

АьбурахIман МахIмудовлул бусаврийну, давуртту даврил мурад бур чIявусса оьрчI-бакI бусса кулпатирттал хIурмат хъун баву ва кулпатирттал ххазинарду цIакъ баву.

Масъала ххал бивгъаврий бивсунни аьркинну бушиву пландалий ккаккан дурсса давурттаву хIала-гъуртту биван жагьилтурал идарартту ва сакиншиннарду, волонтертурал ккуранну, мукума ми давурттаву гъуртту хъун аьркинну бушиву чIявусса оьрчI-бакI бусса кулпатругу.

дурну дур 96 %.

Национал проектру бартдигъаврия ихтилат бунни ДР-лул строителстволул министрнал хъиривчув Бахтияр Иллаевлул.

«Демография»

«Содействие занятости» тIисса региондалул проектрал 2023 шинал итадаркъусса арцух бивну бур 11 оьрчIал багъ.

«Дуккаву»

«Ттизаманнул школа» тIисса региондалул проектрал лагрулий дукIу биттур дурну дур 30 объект баврил план. Миннувацца 12 объект зунтIий бур гъашину сентябрьданул 1-ний.

«МарцIсса щин»

2023 шинал буллай бивкIун бур шинал дузал баврил 5 объект. Ларгсса шинал зун бивкIун бур миннувацца ца объект – щинаххуллу «Чиркей – Буйнакск».

ЛивчIми 4 объект зий байбишинтIий бур гъашину.

Цуллушиву дуруччавриву

Масъалалул хIакъираву ихтилат бунни цуллушиву дуруччаврил министр Татьяна Беляевал.

Ванил тIимунийну, аварну батIайсса модульдунул конструкцияртту бивну бур 25, январьданийгу биван тIий бур 2, миннувацца 14-ний ларсун дур лицензияртту, ливчIмигу ласун хIадур хъанай бур.

БатIаврий ххал бивгъунни цаймигу масъалартту.

«Мусил барзул» хъаттирдай

Дагъусттаннал Меддиосообществолул гъарцагу шинал ахирданий дувай республикалул СМИ-лул зузалтрал даврил хIасиллу. Ванил хас дурсса батIаву хъуна декабрьданул ахирданий «Мусил барзу» ресторандалулу. Шикку Дагъусттаннал Журналисттурал союзрал личинура хъхъичIунну дуллалисса давурттахлу «Мусил барзу» тIисса ларайсса наградалун лайкъ бивна журналисттал.

Пахру бансса иш хъунни «Илчи» кказитрал отделданул редактор Зулайхат Тахакъаева ва наградалун килчингу лайкъ баву. Дагъусттаннал журналисттурал дянив бувагу ца Зулайхат хъанай бур «Мусил барзу» кIийлва лавсъсса. Махъ-зуманив ванил чIярусса материаллу хас дурну дур Украиннаву хасъсса аьралий операциялий ватандалул ххуллий чувшиврий жанну дуллусса аьралитурал. КIици къабуну битан къабучIихъунссар, Зулайхатлул цила дакIивух дурксса къюву буккултран асар хъушиву ванил чирчусса гъарцагу макъалалулу.

Дагъусттаннал культуралул лайкъ хъусса зузала Зулайхат

Тахакъаева «Илчилул» редакциялийн зун бивкIссар 2000 шинал. Буккултран тIурча, ванил цIа кIул хъуссар шикку зун бучIан шиннардил хъхъичIра. 2004 шиная шийнмай ва зий бур культуралул отделданул редакторну. Амма ванил чичлалисса материаллу так ца магьирлугърал оьрмулуву хъанакъисса иширттан хас дурсса дакъар. Буккултран асар къархъуну къалирчIссар авторнал дуняллий хъанакъисса иширттал ялув цила пикри аьч буллай чирчусса аналитический материаллу. Му бакъассагу, Зулайхат бусрав хъуссар миллатрайн багъайсса гъарца ишираву гъурттушинна дуллалаврийну, карчI дакъа, лакрал шархъавунгу, къутаннайну, шагъурдайнгу лавгун, буккултран дакIий личансса репортажирттайну. ХIакъинусса къинигу Зулайхат чялишсса гъурттушиву дуллай бур жяматийсса иширттаву ва редакциялул давриву. Барча дуллай жула коллегакъ ларайсса награда, цIа тIий буру ванил цуллушиву. Вания тихунмай хъунмурчIин ххуй-хъинмуния чичлансса букканнав. Дуняллий дакъаву ва паракъатшиву дагъаннав!

Аминат АхIмадова



Туркнал ва Азирбижаннал ккунукру

Ларгсса шинал декабрьданий федерал даражалий хъусса хIукмулийну Турциянава ва Азирбижаннава Дагъусттаннайн дучIан дурну дур 5 партия ккунукирттал. Муния бивсунни региондалул Россельхознад-

зорданул управлениелул.

Турциянава бувлун бур 600 азарва ккунук, Азирбижаннава тIурча – 1,2 млн. Аьмну регионалийн дучIан дурну дур 110 тонна ккунукирттал.

XI. Аьдилов



ХIадур бивссар XI. Аьдиловлул

Чани лешлантиссар февральданул ахирданийннингу



Махлачкьалалив декабрьданул ахирданийннин, энергетиктурал пландалий ккаккан дурса давурттал графикрайн буну, хасьсса кучардай кюрххия ахтакьуннин чанигу левшун, ххаллу, подстанциярду бакьин буллалисса давуртту кьуртал дан аьркинну буссия. Уттигьанну социал сетирдай ппив хьунни чани лешлашавуртту хьуншагьрулий лахьи лагантиссар февральданул ахирданийннин тисса хавар.

Ва тасттикь хьунни тталаткьини ДР-лул энергетикалул ва тарифирттал министр Марат Шихаьлиев, «Дагэнергоул» директор Махламмадхлабиб Мухлумаев ва Горсетилул каялувчи Махламмадшяпи Шяпиев гьурттусса пресс-конференциялий. Шикку гьуртту хьунни ДР-лул Жяматийсса палаталул вакил Мамма Маммаевгу.

Энергетикалул министерстволул каялувчи бусаврийну, февральданул ахирданийннин Махлачкьалалив ттукл лешлашисса давуртту лахьи лагантиссар, цанчирча Аьрасатнал Хикуматрал итадаркьусса субсидиялул арцух 75% дух хьусса ттуклрал хозяйство гьануцакул цу лаган дуллай байбихьуну тий. Вай давурттан Федерал центрдания жулла республикалул итабавкьуну бур 1 млрд 208 млн кьуруширттал.

Марат Шихаьлиевлул кичи лавгунни, ларгмур шинал декабрьданул ахирданийннин кьуртал дансса давурттан «Россетилул» итадаркьуну диркшиву 546 млн кьуруширттал. Вайнуцух дух хьусса ттуклрал хозяйство цу лаган дан кьабюхьантшиву бувчлай, республикалул каялувчитурал хларачат буну бур Федерал центрданиян кумаграл хьирив буккан.

Махламмадхлабиб Мухлумаевлул бувсунни,

хлакьинусса кьини Дагьусттаннай бухминнул кланай баххана бувшиву 2500-ваксса ттуклрал ххаллал тталлу, цу буккан буну бур 114 ва бакьин буну бур 370-ваксса трансформатордал подстанциярду. Вайнува чяруми давуртту Махлачкьалалив дурну дур. Масалдаран, хьуншагьрулийсса 7 подстанциялий трансформатордал мощность лахь дурну дур. Февральданул ахирданийннин дансса давурттаву хьуннал кичи ларгунни агьалинахь цалла дуллалисса давурттая буслансса Колл-центру титлин хладур хьанай бушиву.

Аьмну Дагьусттаннай, Махлачкьалалив куннасса, ттуклрал тталлу ва подстанциярду баххана буллалисса, хьуннасса даву най дусса дур Ахттиял райондалийгу. Хлакьинунин энергетиктурал баххана буну бур 20-мур ттуршукулул 60-кушиннардий бивхьусса 150-ваксса ттуклрал тталлу. Цумадиял райондалийсса укуннасса давуртту дуллалисса энергетиктурангу цана, кинтнил чумал, кьабигьану бур, пландалул графикрал лагрулий ми дурну, ца чулийн буккан.

Циванни ми давуртту кинттул дуллай сукку хьусса тисса суалданухь хьун жаваб дуллай пресс-конференциялул гьурттучитурал кичи лавгунни Федерал центрдания арцу дуркисса чумал байбишин багьшиву.

Общественниктурахь хьун ва журналисттурахь хьун махь буллусса чумал, вайннал энергетиктурахь тавакью бунни, агьалинан бувчинсса мазрай ихтилат буллан. Ва ялагу, социал сетирдаву цалла дуллалисса давурттаясса, электриктал зузисса клантурдаясса репортаж ккаккан дуллалисса информациялул давугу шуруци дан.

Залму Абдурахманова

Гьарзат — ххувшаврин!

Жу уттинингу чивчуссия Мариян Илиясовал цанийсса «Дараччи» фондрал Украиннаву Аьрасатнал билаятрал мурадру бартбигьлай талатиминнан гуманитар кумаг тлайла бувкшиврия.

Вара давривух чялишну хлала бувххун, Москвавилмур фондрал филиалданул душаврал Ростоврайсса госпитальданиян Кьурандалул луттирду, чак бувай коврикру ва цаймигу ссайгьатру гьан бувссия декабрьданул ахирданий. Ванийну гьашиву кьадурну душаврал, цунилгу арцу дартлун, аьралитуран гьилисса, кьулайсса луттуйяна, лаххия ва цаймигу затру машин ларсун, тихун наниминнащал тлайла дуркссар. Вай цимурца аьралунначлан диян дуван лавгссар Нижний Новгородраясса Махламмад Кьурбанов ва Сергей Смирнов. Вай киягу чачу зий усса ур. Щаву дирми ххилансса машина аьркинну бушиву клул шайхту, вайннал, гьалмахтуращал арцу дартлун, ххуйсса внедорожник машин лавсун бур. Ва «Нива» биян бувангу цивппа лавгун бур. «Махламмад Кьурбанов ттул куяври. Саллатитуран госпитальданиян аьркинмур датлатисса хавар баяйхту, вайннангу хлала буххан ччан бивклуна. Нижний Новгородрай яхьанакьисса чивимурссил, Джумал, ххуйсса луттуйяна машин ларсуна, Махламмад ва Сергей машина биян буван Украиннаву цивппа най бухьувкун, вайнащал «Дараччилул» душаврал машин ларсмуругу тлайла дуркссия. Сант дагьну дунура барчаллагь учин ччай бура жулва душваврахь, мудангу кумаграл ка клидахин анавар буккайсса. Махламмадлул ва ванал гьалмахтурал медицинтургу машин лавсьссар,



машиналия, цимурцанну хьинну ххари хьунни 71-мур мотострелковый полкрал талатал. «Дараччилул» эмблемалуцалсса кьуршив буллуссар тайннахьхьун, бусрав хьушиву бусласисса, барчаллагь тлутисса видео гьан дунни жагьилтурал», – тий бур Москвавуллал «Дараччи» фондрал филиалданул хьунмур Мариян Кьаландарова.

Шиккува кичи лаганну, дурусну ца зурул хьхьичвагу «Дараччилул» душаврал медицинаментру тлайла бувкшиву «Шьём для наших» тисса группалул активисттурайхчин. «Аьраясса видеортту ххал дуллалийни, жулла дакру кьума лаглан диклай. Захлатшивурттахьхьунгу мадад кьабуллуну, чувшиврий, кьанкьану бавцулуну бур жула вирттал. Тай циняв жулва арсрур, ус-

сурвалли. Жувагу дак цуцлаву дуну бушиву, тайннал бурруккиттарай бушиву ккаккан буван ссайгьатру гьан буварду, ссайгьатирттащал жулла дакрудил гьилишиву тайннангу асар хьунтшиву клулу. Жагьилтурал симаннай пиш ккаккайхту, кьума ларгсса дак цахьисрагу аьчух дуккай. Ссил душнил, ацния шанна шинавусса Патимал, саллатитурачлан чивчусса чагьар ккалакийнигу хьовсул бувккунна нава. Оьрчангума бувчлай бур аьрайминнал дакру хьунмур буслан аьркиншиву, шайма шайкун чларав ацан аьркиншиву.

Циняв жагьилтал цуллуну сагьну шаппай зана хьуннав, дяввилул цу ччяни лешаннав! – тий бур Мариян.

Патимат Рамазанова



Дурмуницунсса ва данмуницунсса щугълурду



Камил ДАВДИЕВ, Дагъусттаннал Халкъуннал Мажлисрал председателнал хъиривчув, «СПРАВЕДЛИВАЯ РОССИЯ» партиялун региондалул отделениелул советрал председател:

– Жуютур ларгсса шин бигъасса дакъая билаятрангу, жула республикалунгу. Хасъсса аьралий операциялий жула жагълтурал ккаккан дунни дагъусттанлуvtуран хасъсса ляличисса къучагъшиву, ватан ххирашиву. Ва операциялий маяя дагъусттанчуvнал лайкъ дунни Аьрасатнал Виричувнал ца. Хайп, хъунни жанну дуллуссагу, миннавух жул Хъусрациял шяравассагу, цайми лакрал шархъавассагу. Хъунну жува язисса арсвавраца.

Хъунмасса, чявуссаинсантал оьрмурдаца бувсса бала хъунни Махлчкъалаливсса АЗС-рай. Гьар мудан кунма, ва иширавугу жула халкъ, ца хъуну, къини дуркминнал чларав бавцунни. Зарал бивминнан оьтту булла, арцунусса кумаг булла, чялиш бувкун бия.

Гъанмур Востокрайсса дьави, Палестиннал халкъуннайх дурксса къини Дагъусттаннал дакI ций къамул дунни. Палестиннал уссурвалсса халкъуннан жува жуцава шайсса кумаг барду. Цаппарасса лихъачалт къамул барду жучлава. Ччиминнан Аьрасатнал гражданство дарду.

Хасъсса аьралий операциялий Аьрасатнал аьрал, хIалли-хIаллих тий, хъьичунмай бавчунни. Хаснува махъсса гъантри жула иш бавчусса хъунни. Ва жула аьралитурал къучагъшиврулгу, аьрал аьркинмунил дузал буллалисса цинявпа аьрасатлуvtурал хIарачатралгу иши.

Аьрасатнал халкъуннал цашиву, ватан ххирашиву чIалачIи бунни Расул ХIамзатовлул юбилейрал. Му

ХИУРМАТ БУССА ЛАК, ХХИРАССА БУККУЛТ!

Барча зул Щусса шин. Барачатрашал, бахтти-галихIрашал духханнав ва гьарнал ужагъравун. Аьдатравун багъсса куцуй, гъашинугу, зу барча бан, зукълу-дуаь дан, махъ булла, буру бусравсса, сий дусса, миллатрал лайкъсса арсурваврахъхъун ва душваврахъхъун.

лахъа-хъунну кIицI ларгунни щалагу билаятрай ва дазул къатIув. Юбилейрал лагрулийсса шадлугьрал мероприятияртту хъунни Бакуй, Минскалий, Ташкентлив, Бишкеклив ва цаймигу шагърурдай. Халкъуннал шаэрнал юбилей Дагъусттан, жула культура ва аьдату ххишалану итталун дагъансса иш хъунни. Гъашинугу жула республика бигъа лаган бувкIсса аьрасатлуvtурал чулуха яла хъьичIунмур хъунни.

Чялишну най бия политикалул оьрму. Ларгсса шинал май зуруй хъусса «СПРАВЕДЛИВАЯ РОССИЯ – ЗА ЖИЗНЬ» партиялул XII-мур съездрай 2024 шинал хъунтIисса Аьрасатнал Президентнал бувчIавурттайнсса кандидатну В.В. Путиннул ца ришун увкунни. ВаницIун цинявпа делегатътал бавкъунни.

2024-ку шиналсса агъамсса политикалул иш хъун тий бур Аьрасатнал Президент увчIалачIисса выборду.

Республикалул социалэкономикалул лябукку хъунмурчIин хъар хъун тий бур 2024-ку шинайн Халкъуннал Мажлисрал къамул бувсса бюджетрайн. Мунил циняв социал гарантияртту ядансса ва экономикалул даража гъаз бансса чаран ляхълай бур.

ЦIусса шинаву цинявннан чIа тий ура барачат, цIуллушиву, тIайлабацIуртту.

Марат ИЛИЯСОВ, Дагъусттаннал Халкъуннал Мажлисрал депутат:

– Ларгсса шин ттун дакIний лирчIунни ттула нину-ппу дакIнийн бичлачIисса ххаллисса мажлисирттайну.

Ноябрь зурул ахирданий хъунни «Дараччи» тIисса ихIсандалул фондрал гъану бивзсса ва му ххуллий чIярусса паччахIлугьрал наградартту лайкъ дурсса ттула ниттил Мариян Илиясовал аьпалул мажлис.

Цинявпагу шикку ихтилат бувминнал кIицI лаглай бия миллатрал маз, культура, аьдат-эбадату дуруччаврил цIаний ванил булла, бивкIсса захIмат. Ми циняв давуртту кIицI къалагланна, ниттил сипталийну ва «Дараччи»



клубрал ка-кумаграйну Гъумукун буххайсса кланттурдай дацIан дурну дуссар миллатрал виричув-душ ПартIу-ПатIимал гъайкал.

Ниттил дулла бивкIсса бигъа дакъасса даву гихуннайгу дачин дан жу, оьрчIалгу, шайсса ка-кумаг булла, буру.

Ца нюжмардува укунма ттула нину-ппу дакIнийн бутлатисса мажлис хъунни Лакрал театрданува. ЛичиличIисса къуллугьирттай зузисса чIумал гъарица цайна увксса инсаннал мурад барткъабивгъуну къабитайва ттул буттал, Сиражуттин Илиясовлул. Мунияту ухъунссия жяматрангу бусравну, хIурматрай ия.

Ппу ия экономикалул элмурдал доктор. Цала элмийсса кIулшивуртту жяматран мюнпатну ишла дан хIарачат булла икIайва. Ва тIайла уккайва захIматшивуртту хъунадакълакьисса, махъун багъсса идарарттай зун. Чун учIарчагу ванал хIарачатрайну гъаз шайва идаралул даража. МахIачкъала шагърулул хъунашивугу буттан захIматсса шартIирдай дуллан багъуна. Тай дия миллатирттал дянивсса къалмакъаллал, питнардал агъали азурда буллалисса чIунну. БувчIлай бур, тукун аьратталсса шиннардий инсантурашал маз лякъин, миннал вихшала дишин бан бигъану къабивкIссар. КIицI ларгсса кIирагу мероприятиелул чIалачIи бунни цуксса бусравну бивкIссарив жул нину-ппу жяматран. Буттал дипломатшиву, патриотшиву кIицI лаглай бия цинявпагу ихтилатчитал.

Ттунгу, цинявпагу ттул уссур-ссуннангу хъинну тIаьнну бия жула нину-ппу

укун хIурматрай, бусравну бушиву жяматран. Жугу хIарачат банну жула нитти-буттал дулла бивкIмур дяличIан къаритан, гъарица ишираву вайннал ца лайкъну дуручлан.

Ялагу, ларгсса шинал нава рязину ливчIсса иш хъунни. Лакрал региондалул администрациялуцал архIал Гъумуча Уривнсса ххуллу бан бюхъаву. Жула зунттал районнай ххуллурдах ххишаласса къулагъас дикIан аьркинссар.

ЦIусса шинаву жула Лакку билаятрай ххуй-ххуйсса дахханашивуртту хъуннав тий ура. Хасъсса аьралий операциягу къуртал хъуну, жула аьралитал ичIунмай зана хъуннав тий ура.



Юсуп МАХИАММАДОВ, Лакрал региондалул бакIчи:

– Дуниятлул иширттая, билаятрай хъанахъимуния гъалгъа тIурча, жунма цинявннангу чIалай бур тагъар паракъатсса дакъашиву. Билаятрал мурадру буруччаврил цIаний Аьрасатнал Украиннаву байбивхъусса хасъсса аьралий операция уттигу найнма бур. Лакрал региондалиясса мадарасса жагълталгу гьуртту хъанай бур тай иширттаву. Цуксса хIайпнугу, жанну дулун къисмат хъуссагу хъунни.

ХIакъину, цIусса шинал дайдихъулий ттун гъалгъа тIун ччива ххуймуния, тIаьнмуния. Райондалул агъалинал багъубизулия, райондалул бакIчи хIисаврай ттуцава вайннал оьрму бигъа-рахIат баву мурадрай дан бювхъумуния.

Шярваллил кланттурдай хъуннасса хъар лархъсса ара дур шярваллил хозяйстволул ара. Айишинна вания.

ХIакъинусса къини райондалий щуруй дур 20 шярваллил хозяйстволул производстволул кооперативрду, 1 агрофирма, 66 КФХ. Ларгсса шинал лажиндарай райондалий итадаркъуну дур 1500 тон-

надиклул, 16100 тонна накIил, 450 – ппалул, 3416 – къалмул. Ахъулсса-ахънилссаннулгу ххуйсса бакIлахъия дучIан дан бювхъунни. ХIасил, шярваллил хозяйстволул хIасиллу оьккисса къархъунни.

Райондалулгу, хозяйствошартталгу хъуниминнал хIарачатрайну, жула арцух марцI дарду хозяйствошарттал аьрщарайсса каналлу. «Комплексное развитие сельских территорий» программалийн буну бакъин барду Буршиял шяравусса ва шичча Хъулуссуннал шяравунсса ххуллурду. «Местные инициативы» программалул лагрулий Шахъуйннал шяраву барду хIачIайсса шин салкъи дайсса клану. «Мой Дагестан – мои дороги» программалул лагрулий, мукунма кланттул бюджетрал арцух ххуллурду бакъин бувссар региондалул чIярусса шярваллаву. Цаппарасса давуртту дарду Гъумуксса Жагълтурал парк гъарта-гъарза баву мурадрай.

Цайми арадавугу кIицI лаган бучIисса ккаккиартту хъунни. Шинал ахирданий навагу, райондалул жяматгу ххари хъунсса хавар ялун бивунни. 2022 шиналсса социалэкономикалул ккаккиарттахлу жу лайкъ дарду Дагъусттаннал БакIчинал грант. Зунттал районнал дянив Лакрал региондалул бувгъунни цалчинмур клану. Мунинсса бахшишран жун 2 миллион ва 100 азарда къуруш дулун ккаккан дунни. КIицI лаган, хъьичIунсса районнан грантру дуллан бивкIния шийнмай (2008-ку шиная тIайла хъуну) Лакрал региондалул ацIния шамийлва хъьичIунсса клану бувгъуссар. Цалчинмур клану – ххулчин. Укунсса ккаккиартту, ца ттул бакъассагу, щалагу райондалул жяматрал хIарачатрайнур хъусса. Умуд бур уттиния тIухунмайгу, куннан кув бувчIлай, зий, занай, райондалул даража хъиннува бюхттул бансса, Лакку билаятрал аргъ дизан дансса давуртту дан бюхъанссар тIисса.

ЦIусса шинаву ци чIа учинна тIурча, дуниятлий паракъатшиву ликканнав тIисса дур ттул цалчинна-цалчинсса дуаь.

Цинявпагу аьрасатлуvtуран, дагъусттанлуvtуран, ттула миллатран даркъусса, барачатсса шин хъуннав тий ура.



Дурмуницунсса ва данмуницунсса щугълурду



Шамил РАМАЗАНОВ,
Ккуллал райондалул бакчи:

– Ва ларгсса шинаву райондалий хъунмур къулагъас-райн лавсун буссия ххуллурду, школарду, спортзаллу, клубу.

Кіиці лаган бучісса чіарусса давуртту дарду Ккуллал шяраву. Бутларду асфальт, бакьин барду шанма ламу. Ціана шяравалу ца авурну дуссар. Бакьин барду шиккувасса оьрчлал багъ. Барду шяраву Аьрасатнаву, Дагъусттаннай ца яла авурмунин ккалли бан бучісса майдан.

«Газпром – детям» программалул лагрулий Хъусрациял шяраву бувссар авурса спортплощадка. Шикку дуссар кинттул ва гъинттул спортрал тлуркларду булланса, футболданий, волейболданий, баскетболданий буккансса шартлру. Ціансса члумалгу буклан хъуншиврул бувцуну буссар чани. Бакьин барду Ваччавсса спортзалгу. Урувганн къабувчінсса куццуй буссар. Ва залданунгу жула Виричув Нурмахламмад Хіажимахламмадовул ціа дуллуссар.

Гъай-гъай, шин захіатсса дия Аьрасатнал билаятран хасъсса аьралий операция байбишин багъаврийну. Жула чиваркі тай иширттаву жанну дуллау бур. Муниясса къащи дур дакниву. Ци чулийгу, жунма, зий, занай, оьрму бутлан багълай бур, жула райондалийсса оьрму бигъа-рахлат баву, жяматран ххуйсса шартлру дузал даву мурадрай зун аьркинну бур. Ціусса шинал дьавилул члу бухлаганнав, щалагу Дагъусттаннай паракъатшиву ликканнав. Жула оьрчлру сагъ-саламатну шаппай зану бикланнав.

Дагъусттаннал халкъуннан, Ккуллал райондалул жяматран, цинявпагу аьрасатлувтуран чла тий ура ціуллушиву.

Асият БУТТАЕВА, фило-софиялул элмурдал доктор, профессор:

– Цукунсса дия 2023 шин. Цалчин, учин ччива, ларгсса шинал ттул оьрмулун 72 шин хъуссар.

Га къурулликлрал (ичлаллил бюрххул) шин цурдагу ттул шинъя. Жулла шин жунна даркъусса диклайссар тлун биклайхха, нагу вихшалда-



рай ялугълай буссияв ттула оьрмулуву хъун аьркинсса тлаансса дахханашивуртта, тлайлабацлуртта.

Шин хъинну ххуйсса дия ягу оьккісса дия учин къахъунсар. Хіасиллу дан багълай бухъунссар дурсса давурттал, мюнпатсса хъунабакъавурттал, пашмансса иширттал хіакъи-хіасав дурну. Шинал лажиндарайсса циняв иширттая гъалгъа тлун къахъунссар, аьркиншивугу дакъар. Бусанна дакний ливчїсса тлаансса, яргсса иширттая.

Жула дустан, гъан-маччами, жунма ххирасса инсантал циняв ціуллуну, сагъну бухъурча, жула кулпатравасса цучлаву жуятува личі хъуну аьахъурча, шин тлайлабацлусса диркшіврун ккалли дан бучіссар. Щукру Аллагънайн, ттул кулпатраву, агълу-авладрай пашмансса ишру къавхъунни.

Ттул бур клива душ ва арс. Минналгу бур цала кулпатру, оьрчлру. Мунихлугу щукру Аллагънайн. Щукру ххирасса Заннал дуллумунингу, къадуллумунингу.

Дунияллий, билаятрай хъанахъисса иширттал чулуха шин ххуйсса дия учин къахъунссар. СВО – жула къурчїшивугу, къучагъшиврул барагу.

Къучагъшиврий жанну дуллау бур жула оьрчлру, лаглай бур, жула даклардиву къювугу, къурчїшивугу къадиртун. Багъунни укунсса къучагътурал ниттихъащал хъунабакълан, миннащал архлал къурчїссар макъ рутллан. Жунмагу ма-

захіатну бур, цукун бухъунсар миннан.

Ларгсса шинал на клул хъура чіавусса инсантуращал, ядав ттула дакнїл лавсминнащалсса дусшиву.

На бура хъунмасса стажгу, опытгу бусса педагог. Сайки 50 шин хъуну дур ттул жагъилтурал дянїв зий. Дур ва ххуллий дуллусса бюттлусса наградарттугу. Хар-хавар бакъасса хъунни «Роза Мира» тїсса «Золотое Руно Нации» номинациялий лайкъ дурсса Музил медаль. Ва награда дулун Махлчкъалалив увкун ия Дунияллул культуралул институтрал (ЮНЕСКО) ректор, ФВМ-рал дунияллул посол, академик Тіагъиров Энгель Ризакъович. Вагу дакний личансса иш хъунни.

Творчестволул чулухагу шин яргсса, авадансса дия. Хъунни нава ихтилатру бувсса конференцияртту, ккурккі столлу, гъар мудан кунма, гъуртту хъура Болгарнал исламрал Академиялуву, Къазаннай, Уфалий, Ставрополлай, Грознайлий, Махлчкъалалив, Къаякантив хъусса элмийсса мероприятиярттай. Укунсса гъурттушиннарайну хіасул шай ціу-ціусса арарду, ххїшала шай дустан ва даврил уртакътал, ціакъсса партнертал ва даврил опыт.

Цукунсса хъуну ччива 2024 шин?

Хъхъичїва-хъхъичї, дунияллийсса дьавирдан ахир хъуну ччива. Цинявпагу жула аьралитал сагъ-саламатну цала ниттихъачлан, цала кулпатирттаву зану хъуну ччива. На гъарица кьини ххирасса Аллагънайн лабизлан биклара.

Кіилчин, ціу дурккун ччива зунттаву, хаснура Лакку билаятрайсса, жула шяраваллу. Ххуй хъуну ччива ххуллурду, бувцуну ччива газ. Чіаву хъуну ччива школардай лакку мазрай гъалгъа тїсса оьрчлру.

Шамилчингу, дунияллул халкъуннал кулпатирттаву дакъаву, аслахшіву, паракъатшиву, ххаришивуртту хъуну ччива.

Гъарица инсаннан чла тий бура ціуллушиву. Бартлаганнав зул дакнїйсса цинявпагу мурадру ва хияллу.

Гульшан ХАСАЕВА, М.Илиясовал ціанийсса «Дараччи» ихісандалул фондрал президент:

– 2023 шин ттула оьрмулул иширттал ва «Дараччи» фондрал дурсса давурттал чулуха авадансса дия.

Щалагу дунияллий, би-



лаятрай хъанахъисса иширттая дакниву пашманшиву дия. Чіавусса ишру хъунни Дагъусттаннал халкъуннал къурчї бизансса, къащи хъунсса. Хасъсса аьралий операция, Палестиннавусса ишру, Новостройрай АЗС пїякъ увкусса бала. Чіавусса инсантал оьрмурдаца хъунни. Гъар мудан кунма, «Дараччи» фонд кьини дуркнал чларав бавцлуссар. Ка-кумаг бувссар пїякъ учавриву зарал бивсса инсантуран, хасъсса операциялий гъуртту хъанахъисса, мукунма щавурду дирну азарханардайн багъсса аьралитуран. Хіасил, клубрал гъану бивзсса Мариян Илиясовал дуллау бивкїмур дяличлан къаритан, «Дараччилул» адатру ядан хларачат буллау буру. Хъуннасса хъар лархъун бур Мариян Къаландаровал каялувшиннаралусса Москваливсса филиалгу.

Ларгсса шинал хъунни чіарусса презентацияртту, юбилейрду ва цаймигу культуралул мероприятияртту. Хларачат барду миннувугу гъурттушинна дан.

Миллатрал библиотекалуву лавайсса даражалий кіиці лагарду Мариян Илиясовал юбилейран хас дурсса мероприятие.

Ттула оьрмулуву кіиці лаган бучіссар иш хъунни Махлчкъала шагърулул Жяматийсса палаталувун ва Культуралул министерстволул Жяматийсса советравун бувчлаву.

Цумур-цагу хъамитайпалул оьрмулуву агъаммур клану бугълай бур кулпатрал, оьрчлал. Ва чулухагу на ххарисса иш хъунни арснал, Ахїмадул, ва ванал оьрмулул дус хъунсса Жабиратлул ташу.

Ціусса шин даркъусса, тлайлабацлусса хъуннав тий бура жула «Дараччилун», цинявпагу лакран. Ххї хъуннав тий бура жула даклардиву миллатгу, мазгу буруччинсса гъира. Кабакьиннав лакрал

дуллалимуницун. Агъалинал ціаний зузиминнал кашикъудрат ххї хъуннав. Дьавилул ціу лещаннав. Жула оьрчлру сагъну, саламатну шаппай зану хъуннав. Палестиннай паракъатшиву хъуннав. Лакку билаятрай аргъ дизаннав.



Супиян ОЪМАРОВ, Дагъусттаннал Чичултрал союзрал лакрал секциялул хъунама:

– Вана ца шин уттигу тлайла дуккарду тарихравун. Ва хъинну ххари хъунсса иш бакъахъунссар, ца шин уттигу оьрмулул чан шаву, амма ттула кулпатраву, давриву тлайлабацлусса шин дия. Ттула хъунама арс, Ризван, цала язи бувгъусса душищал хъатлі бувну, къатта-къушлил щаллу уван бювхъунни. Хъиривма арс Расул дуклай ур, душ Басиратгу медициналул колледжравун бувххунни.

Даврил чулухагу шин даркъусса, авадансса дия. Хъунни чіарусса ккалли дан бучісса мероприятиертту. Нава зузисса Поэзиялул театрданувугу, чіавусса цайми клантурдайгу, жучлара дакъасса, цайми шагъурдайгу лавайсса даражалий тлайла дурккунни Дагъусттаннал халкъуннал шаэр Расул Хіамзатовлул 100 шинал юбилей. Лакрал миллатравугу дакнїй личансса мероприятиертту чансса дакъая. Махлмад-Загъид Аминовлул, Руслан Башаевлул, Сиражуттин ва Мариян Илиясовхъал, Дундар Хіажиевлул юбилейрдан хас бувсса ххаллїлсса мажлисру хъунни.

Пагъму-гъунар бусса лакрал чичултран – Руслан Башаевлул ва Хизри Илиясовлул дуллунни Дагъусттаннал халкъуннал чичу, шаэр тїсса бусравсса цларду. Чичу Илияс Махлмамадовлул - Дагъусттаннал искусстволул лайкъ хъусса зузалал ціа.



Дурмуницунсса ва данмуницунсса щугълурду



Ялагу кици лагавияв, ларгсса шинал, Лакрал чичултрал секциялул хьунама Илияс Махлалмадов цува рязину цамур даврийн лагаврийн буну, ва давугу ттуйнна тапшур дуршиву. Хларачат банна ттуйнна дурсса вихшала лайкь дан.

Гъай-гъай, щала миллатрангу, цинявпагу аьрасатлувтурангу сси-къащи хьунсса, къурчи бизансса ишругу бия, мигу кици къабувну битан къахьунссар. Цуксса жунма чайнугу, къуртал къавхьунни дяьви. Чявусса жула жагьилтурал жанну дуллунни. Палестиннай Израилнал ттупал литлай бур тахсир бакъасса оьрчру ва хьами.

Цусса шинал цалчинма цалчин ччива дяьви къуртал хьуну. Ччива, дунияллул халкъуннал иттав щин дакъасса Израиль паракъат буну.

Гъарица инсаннан чла тий ура цуллушиву, кулпатирт-таву нахлушиву, оьрч-бакрая тирхханну.



Светлана АМИРОВА, ДГПУ-лул кафедралул доцент, психологиялул элмурдал кандидат:

– Ларгунни жуятура ца шин ттигу. Гъарица шин – му дур жула лахьисса тарихрал ца лажин. Ца-ца члумаллив, шинал лажиндарайсса тамашасса тарих.

Ссайну дакний лирчри ларгсса шин? Яла агьаммур иширан ккалли бавияв ттула ниттил, Гулизар Ахлалмадовна Султановал, юбилейрал сессия сакин бан бюхъаву. Ва ххаллилсса даву сакин дунни ниттил цила хьунмур оьрму хас бувсса, ванил килчинмур къаттану хьусса Дагъусттаннал элмийсса центрданул. Гъай-гъай, даву дузрайн дукан дан бюхъунни Театрдал ишккакултрал союзрал Дагъусттаннал отделениелул ва ванин цинма ххирасса Лакрал театрданул кабакулийну. Ниттин 85 шин хьунтиссия. Ва

мероприятиелул цачлун бунни чявусса ванил дустал, даврил уртактал, гъан-маччами. Хьунни нину дакнийн бутлатисса тлаансса ихтиллатру.

Дакний личанссар шин Дагъусттаннал культуралул министр Зарема Буттаевал бувсэсса Дагъусттаннал Театрдал тарихрал музейран ниттил ца дуллалисса ххарисса хаварданыйнугу. Ва хавар ттун тлаанну асар хьунни. Цила давриву дак дирхьуну, гъира-гъавас буну зий, хьунмасса захмат бивхьусса ттула ниттил ца укун агьамсса культуралул объектран дулаврийну абад даву – ванил захматран лайкьсса къимат бищаврин ккалли дуллай бура. Ялун нанисса никиран Гулизар Султановал ца клуну диклантшиврия ххарину бура ва барчаллагърай бура ва хлукму бувминнайн.

Ялагу, ларгсса шин дакний дур ттунма ххирасса, гъансса инсантуращалсса тлаансса арардайну. Ххари хъанай бивкйра ттула арсурваврая ххаллилсса буттахьул хьусса чалай, дак ххари хъанай дия миннал цала кулпатирттащалсса, оьрчлащалсса нахлухалимсса арардая. Гъай-гъай, ххаришиву дия ттула ххирасса давриягу, студентътураягу.

Дакний личансса хьунни, «Дети как дети» тисса, цуллу-сагъшиврул ссуссукуьсса оьрчансса, жула Ссихьрал театрданул хъаттиралу дурсса фестиваль.

Тлаансса, тачлав хъамакъабитансса асарду ливчлунни Санкт-Петербургливнсса аьрхилия, Невскийлийхсса сайрдания. Тамаша бав Казанский Соборданый, Эрмитажрал караматирттай. Лавгра театрдавун. Ххал бан бюхъунни чявусса цаймигу ттунма ххирасса шагьрулул ххазинартту ва караматру.

Дия укуннасса къинирдугу, чаннасса ссавнил, гъарал къункьал, тлаансса хьунабакъавурттал ххари буллалисса.

Цусса шинал чла тий бура жунма цинявннан тлайлабацуртту, хьхьичлуннайшивуртту, талихитирхханну. Гъарнал кашикьудрат ххи даннав, дакнийн ччийкун битаннав.

Артур МАЖИДОВ, РОИСА-лул (Российское общество исследования сосудистых аномалий) президент, Интернационал ме-

дициналул центрданул клиникалул каялувчи, оьрчал хирург:

– Жуйтура ларгсса шин аьмну тлайлабацусса дия. Хаснура ттула пишалул чулуха. Титлав ттула клиника – педиатриялул, оьрчал хирургиялул ва сосудирттал патологиялул центр. Конкурсрал гъанулий



язи бугъав клиникалий зунсса пишакартал, туннурдал хирургтурая, неврологтурайн бияннин. Центрданий 1000-нния ливчусса операцияртту барду, миннува 30% – захматсса патология дусса, щилчлав бакрайн къаласлассисса мюрщи оьрчлай. Жул центрданыйн бучлайссар Аьрасатнал шагьрурда, Кьиргъизнава, Къазахьисттанная, Чачаннава, Аьсатиннава, Ингушетиянава, мукунма дазул къатлату – Ираннава, Эмираторттая. Ларгсса шинал чирилул акциялул лагрулий Ираннавун лавгру. Захматсса патология дусса цаппара оьрчру шихунмай буцарду хьин бан.

Ларгсса шинал ласав клира патент. Ацва ттул статья бувкунни личи-личисса журналлай ва кказитирттай, миннувах дазул къатлаллилминнуугу.

Жул клиникалул пишакарталгу гьурттуну буккан бувссар профессор В.В. Рогинскийл каялувшиннаралусса бакрал ва ссурсулул патологиялул хлакинтурал кумагрансса, суратиртталгу чюлу бувсса лу.

Гъай-гъай, дунияллийсса тагъар паракъатсса дакъашиврия пашманшиву диклай. Цусса шинал циняв дяьвирдан, питнардан ахир хьуннав, дунияллий паракъатшиву ликканнав тий ура. Хлакин хлосаврай, гъарицагу инсаннан цуллушиву чла тий ура.

Давуд АТАЕВ, Лакрал жагьилтурал ккуррандалу каялувчи, химиялул элмурдал кандидат:

– Жуйтура ларгсса шин



щалагу жула хлукуматран бигъасса дакъая. Аьмсса захматшивурттал жула халкъ хьиннува лагма лаган бунни, цачлун бунни. Ххуй бакъасса ишру хьунни Палестиннайгу. Ва тагъарданулгу жула бусурман хьиннува гъан бунни. Хьиннува чявусса затру клул хьунни халкъуннан ислам-раяту. Палестиннал халкъуннал чул бувгъунни бусурман бакъаминналгу.

Ттула оьрмулувусса даханашивурттая тлурча, ларгсса шинал ахирданый ттуйн тапшур бунни Дагъусттаннал Гуманитар институтрал цалчинма проректорнал къуллугъ. Институтрал Аьлимтурал советрал заседаниелий ректор Нухкъади Бахлмудкъадиевлул бувсунни ва жаваблувсса къуллугърай на итлатишиву ва клул унна коллективращал. Хларачат банна ттуйнна дурсса вихшала лайкь дан.

Цусса шинал гъарнан дан дакниймур дузрайн дукканнав.

Дунияллийсса питнарду бухлаганнав, дакъаву хьуннав. Халкъуннахьхьун ссавур дулуннав.



Асият АБЛИЕВА, Хьювхъиял шярваллил бакчи, ДР-лул лайкь хьусса экономист:

– Жуйтура нанисса шин ххуйсса иширттайну дакний лирчлунни учин къахьунссар. Дуниялия лавгунни ттул аьзизсса ссу. Хасьсса аьралий операциялий авария хьуну, базурду гъавгъун, захматсса

тагъарданый азарханалийн агъунни ссил оьрчл. Цана Москвалив Вишневскийл цанийсса госпитальданый хьин хъанай ур.

Ххуймуния, тлаанмуния тлурча, шярваллил (Хьювхъиял) администрациялул бакчи хлосаврай, на ххарину бура «Кланттул сиптарду» тисса Дагъусттаннал Экономикалул министерстволул проектраву гьуртту хьун документру булун бюхъаврий. Пикри буссар жяматийсса кланттурду ххуй бансса – шярваллил халкъ бигъалагансса парк бансса. Члал къавхьуну дантиссар конкурсрал хлосиллу. Умуд бур талихлрал билет буккансса.

Шярваллил жяматгу, навагу ххари хьунсса иш цамургу хьунни. Къамулгу дурну, цлакь дурссар Хьювхъату Хьюймив бияннинсса ххуллу бансса проект. Цусса шинал асфальт бувтлусса ххуйсса ххуллу бансса вихшала дуссар. Кици къабувну битан къахьунссар, ва даву суккудан бювхьунни, хьхьичйра-хьхьичй, райондалул бакчи Шамил Рамазановлул хларачатрайну.

Цусса шин дунияллул халкъуннал, аьрасатлувтурал, дагъусттанлувтурал, цинявпагу лакрал, ттула шярваллил жяматрал, дустурал, гъан-маччанал оьрмулувун талихл-тирхханнаращал дурххун ччива. Аьрщарай паракъатшиву лирккун ччива. Аьралий операциялун ахир хьуну ччива. Гъарица буруккин бутлатимур, тлаан бакъамур духмур шинащал гъаннав.



Валида ИСАКОВА, жяматийсса ишккакку:

– Мукъуйну биклу, канийну биклу, инсаннан кумаг бан, кабаку бан, чларав бацлан бюхъавриву члалан биклай ттун ттула талихл. Муния диклай дакнивусса ххаришивугу. Украиннавусса питна байбивхьуния махь ттула лагма лавгсса ккуранчитуращал, ватанлувтуращал биялсса кумаг



Дурмуницунсса ва данмуницунсса щугълурду

→ бுவарду жула аьралитуран. Хьуннасса ххаришиву хьунни Сурхай-хан II-сса лу дуняллийн букваву.

2020-ку шинал жу лавгссияв Ссугъращав. Сурхай-хан II-нал гъавгу, зияратгу зия хьуну буну, кIалабарзругу гъавгъун буну, ми цу буккан буллау, бакьин буллау, диялсса давуртту дурссия. 2023 шинал цунилгу лавгру ци иш буриу, ттигу ци давуртту дан багълай буриу ккаккан. Цаппарасса давуртту ялагу дарду. Ттиния тийннай дуллансагу дуссар.

Сурхай-ханнал ца хъамакъаритаву, бусраврай ядаву, бюхттул даву мурадрайсса 10 пункт бусса план дуссия сакин дурну ттуца. Му пландалувусса кIива пункт щаллу хьунни.

КIицI лаган ччива ца укунсса ишгу. Жула ниттил маз ябаврицун бавхусса. ТIааьн къабизлан бикIай лакрал джаннив, Гъумук жула халкъ оьрус мазрай гъалгъа тий бушиву. Ва масъалалул хIакъираву на ихтилат бувссия УНО-рал

каялувчинащав, садикирттал хьуниминнащав ва школалул директорнащав. Личисса дахханашиву къархьунни. Лакрал театрданул сахналий дуллалисса творчестволул вечердай биялну лакку мазрай гъалгъа тIутIи хьунни жула халкъ.

Нава рязисса иш хьунни ларгсса шинал Лакрал райондалул Имамтурал советрал председатель МухIаммад Майрамовлушав, Ккуллал райондалул Имамтурал советрал председатель МухIаммад-Маннар Бариевлушав, Гъумучиял Хьун мизитрал имам МухIаммад-Ансар Сулаймановлушав хьунабакъаву. Ххишала бакъа ххаллилсса оьрчIру бур. ДакIругу, аьмаллугу, дингу марцIсса, дуллалимургу дакIнийхтуну дуллалисса.

Хьинну ххари хьура, мунияр махъ Гъумук дурсса мавлидрай, райондалул бакIчина тIайла хьуну, сайки циняв гьурттучитурал лакку мазрай бунни ихтилат. Вай оьрчIащав Лакрал райондалий чIарусса

давуртту дан хьунссар тIисса умуд буссар. Дангу бюхълай бур, дуллау бур вай оьрчIру. Ка- бакьиннав. Жула цинявннал буруккин бур лакку маз ябаврил. Цинявпа лагма лавгун зурча ва масъалалуа, вагу щаллу хьунтIиссар. Хьунмасса умуд буссар цусса шинал тамансса хьхичуннайшивуртту хьунтIишиврий ва ххуллий.

Цулулушиву дулуннав. Бартлаганнав цинявннал умуд-хияллу.

Марианна МАХIАММАДОВА, «Дагъусттан» РГВК-лул жяматийсса ва политикалул вещаниелул шеф-редактор:

– 2023 шин бигъасса дакъая. Хьунасса Заннайн барчаллагърай бура цинявпагу ттула гъан-маччами цулулуну, сагъну бушиврухлу, нава ттула оьрчIал тIайлабацIурттал ва хьхичуннайшивурттал ххари буллау битаврихлу.

Амма дакIниву пашманшиву дур жула хIукуматран цила мурадру буручаврил цаний



хасъсса аьралий операция баян бан багъаврия, Палестиннаясса ццах бутлатисса хавардая. Ларгсса шиналсса ттул чIяруми давуртту хас дурну дуссия Украиннавусса операциялий гьуртту хъанахъисса къучагъсса жула аьралитуран. Чара бакъа кIицI лаган ччива «Женщина Дагестана» программалул лагрулий ххаллилсса дагъусттандуш Интизар Мамутаеващав нара дурсса интервью. Дагъусттаннал Хъаннил союзрал каялувчинал бувсунни цукунсса кумаг буллау буссарив хъаннил жула аьралитуран. Ттун мудангу

куллссия цукунсса къучагътал буссарив жула чиваркI, утти кул хьунни хъаннил чувшивриягу. Буттал кIанттул цанийсса Хьунмасса дяввилул шиннардий маршал Жуковлул увкуну бивкIссар: «Ххувшаврил хъар дачIи, ххишалагума, кьинттулулхминнали лахъайсса», – куну. ХIакьинусса кьинигу му мяйжан хъанай бур.

Ттула даврин ларгсса шин хьинну авадансса, тIайлабацIусса дия. Хьуннасса даву дан бювхьунни террорданийн къаршисса направлениелий. Мунихлу РГВК-лун 20 шин шаврин хас бувсса мажлисрай ттун «Дагъусттаннал лайкъ хьусса журналист» тIисса бусравсса ца дулулунни.

Цусса шиналгу дан дакIнийсса давуртту чIарусса дур. Гьарманалгу духьунссар. Цинявннал пикри-хияллу дузрайн букканнав тий бура. Дуняллий дакъаву хьуннав. Гьарица ужагърай барачат ликканнав.

Цууху-бусу буссар Андриана Аьбуллаевал

Цу ларчIний дурсса виричувшиврухлу

ДакIнийн бутан, ванияр сайки шинал хьхичI, январьданул 26-нний, МахIачкъалалив, газрал давление лахъ хьуссар тий, ацIния хъайсса квартирардаву цу ларчIсса чIумал, Зурпукьаллул хIарачатрайн буну ва бала-апатIран бару бувссар, ванил лагру, масштаб хьунна хьун къадиртун, цимиягу инсаннал оьрму ва хъус-кьини ххассал дуван бювхьуссар.

Шинал лажиндарай ххуйну зий бивкIсса, хьхичIун ливчусса МЧС-рал зузалтран, мукунна Зурпукьаллун ва вана куннасса, нигъал ва хьуллил, оьрмулул ва бивкIлулул дянивсса виричувшивуртту дурсса цаппарасса цайминнан наградартту дуллау ия Аьрасатнал МЧС-рал Дагъусттан Республикалийсса Хьунмур управлениелул начальник, МЧС-рал бакIчи Нариман КазимахIаммадов. Зурпукьаллун дуллумур дур Аьрасатнал Федерациялул Граждан обороналул, чрезвычайный ситуациярттал ва стихийный бедствиярттал биян бувсса зараллал ликвидациялул министерстволул приказрайн буну, генерал-майор Н. КазимахIаммадовлул

Цусса шинал хьхичI гъантрай щалвагу Аьрасатнаву кIицI лагайсса Ххассал бувул кьинилун хасну Аьрасатнал МЧС-рал Дагъусттаннайсса Хьунмур управлениелий хьуна шадлугърайсса батIаву. Шикку ва кьини наградартту дуллуминнавух ия Читтурдал шяравасса Гъапууров Зурпукьал Баширдул арсгу.



къулбасралусса «За спасение на пожаре» тIисса медаль.

ДукI хьусса апатI дакIнийн бутлай, Зурпукьал буслай ур:

– Га кьини на шава ура. ХIаятравун пожарный машинарттал сиренарттал чIуний увксса, микку кIул хьуна ттун

хьумуния: квартирардаву цу ларчIсса цимивагу иш хьушиву, нава ялапар хъанахъисса чIяру зивурду дусса къатлувугу, чIаххувсса къатравугу, аьмну Редукторный посело-крайгу. Жул чIаххуврай бугъарасса хъамитайпа ялапар

хъанахъисса ца къатта бусса квартиралул нузава щев-щев тIисса газрал ххурххулул чува баллай бия, газрал напорданул хьуннашиврул. Укунсса чIумал цIарал га яла чIиримур

цукун ци дуван аьркинссарив кIулшиврул дикIай хьинну хьуннасса агъамшиву. Га ххуллухьугу мукунна, Зурпукьал ва ва кунмасса инсантал чIарав шаврил, вайннал цила чIумал ва цила багъайкун лавсъсса шаттирдал хьун нанисса хьунмасса бала байщун бувссар: пожарный аьралуннаву къуллугъ буллау ивкIсса, пожарнопприкладной спортахун агъну ивкIсса, укунсса иширттая хьхичIвагу бавсса ва ци дуван аьркинссарив кIулсса Зурпукьаллул мугълат бакъа лавкъуссар газрал агъаммур турбаляисса кранну, гъаварал мугъали хьуну экиннанисса газрацIух таксса искра сававну цу къалачIун, къатта пIякъ къаучин, трансформатордания левшссар чани. ВанацIун цащара шаймур дуллау, лечлай цаймигу бивкIссар.

Ва иш хьусса январьданул 26-сса кьини цурдагу хъанахъиссар Зурпукьал ниттил увсса кьини. Укун, ванияр шинал хьхичI, канна 58 шин бартлаглисса кьини Зурпукьаллул цимиягу инсаннан дурссар багъа бищун къашайсса бахшиш.

Бадрижамал Аьлиева

«Илчилул»
календарь

Ва нюжмардий бувссар:

Январь зурул 1-ний 1960 шинал увссар Дагъусттаннал халкъуннал артист, Лакрал театрдуул хъунама режиссер Аслан Махлammaдов.

Январь зурул 1-ний 1934 шинал увссар РСФСР-нул халкъуннал учитель Хlасан Ахlмадов.

Январь зурул 1-ний 1954 шинал увссар музыкант, пианист Хан Баширов.

Январь зурул 2-ний 1948 шинал увссар жяматийсса ва политикийсса ишккакку Рапи Абакаров.

Январь зурул 2-ний 1935 шинал бувссар Аьрасатнал кlулшиву дулавлрил хlурмат бусса зузала, хьхьичлунсса педагог Гуржиган Къараева.

Январь зурул 3-ний 1961 шинал увссар Аьрасатнал Паччахlлугьрал Думалул депутат Ризван Къурбанов.

Январь зурул 3-ний 1946 шинал увссар педагог, шаэр Даниял Магьдиев.

Январь зурул 5-ний 1946 шинал увссар ДР-лул Верховный судрал судья, юрист элмурдал кандидат Бутта Увайсов.

Январь зурул 11-ний 1972 шинал увссар АьФлул Виричу Халид Мурачуев.

Январь зурул 11-ний 1959 шинал увссар Цlуссалакрал райондалул Агьали цlусса миналийн бизан баврил ва Аухуллал район цlудуккан даврил масьаларттаха зузисса Дагъусттаннал Хlукуматрал управлениялул хъунама Махlмадхlажи Айдиев.

Январь зурул 14-ний 1942 шинал увссар АьФлул ва ДР-лул лайкь хьусса хlакин Ибрагьим Къалиев.

Чири лях бакъасса чlаххувчув Загьирбаг

– Жул бава хlакьину хьхьахьхари бичлай дур!

– Жулмур гъунттуй экинани нисирал буркив буллай дур!

Укун байбишайссия чlявуну оьрчlний жулгу, чlаххувьрчlалгу ихтилат.

Ванил тlиссия, хьхьахьхари ччинан бикlантlиссар хьхьахьхари, буркив ччинан – буркив. Кlирайрагу дукра ччинангу – кlирайрагу дуссия. Бувагу ца чlирая жулгу, Пуланхьал Къурбаннул ва Ххаджатлул къатрал ляхгу бусса. Таний жу бувассияв «Чири лях бакъа чlаххул» тlисса учала лахьхьин, лаласун. Так та ца чlирайх лавхъун, мугьлат бакъа чlаххуврал хъюву шайссияв. Та чlирал ялтту куннахьхун кув буллан бикlайссияв кlарттул ччатl, ланжартту, саргьасру. Тарихраву я жулла, я чlаххуврал нуз аьнт дурсса ишгу дакlний бакъар. Паракъатну куннаийн кув буххаву, буккаву, ваца бикlан аьркинсса ишну чlалан бикlайва. Гъантлун кlийла-шамийла бухлай, буккалай бухьувкун, ца кулпатраву хъуни хъанахьисса кунмасса иш бикlайва. Хаснува жул хъуними уссурвал чlун архlалсса бия чlаххувралминнашал. Школалийн архlал, щинал хъирив архlал, оьллу хlачlан бан архlал, тlуркlу тlун архlал най бакъарив.

Билаятрийцири агьали Цlушинал байран тlайла дуккан хlадур хъанахьисса кьини, ахиратрал ххуллийн тlайла увкссар ттул хьинсса чlаххувчув Загьирбаг Ахlмадов. Къурчlисса ишру тlайлабацаву хъиннува къутlан бикlай, 19 шинал хьхьичl дурусну вара кьиния жу ттул хъунама уссу Махlмадрамазан ва ванал кулпат Фирузагу ахиратравун тlайла бувксса. Махlмадрамазан ва Загьирбаг цакаьсса дулгалу бия, мудан бухху-буккулий бикlайссия. Цlушинал байрандалул гъантри бухьувкун, оьрчlшиврувун зана бивкlуну,бусанна, яла сийлийми байраннавух таний Цlушинал байрангу диркlшиву, хlадургу хъанай байбишайсса бивкlшиву зурул хьхьичlва цацлу. Ягужу чlаххувранний, ягу тайжунний, чагъарду къукьлай, ранг булла, дуллантlиссияв зярбухарарду, заранхарарду, фонарьду, кканпlитlирттал чагъардая дуллантlиссияв мухlулттлв. Цурда ва хlадуршинна захlматрал дарсирдан ккалли дувангу бучlия, кlивайннайнийгу дагъайкунсса кружок тlитlайсса диркlун тlий. Жул хъуними уссурваврал ва чlаххуврал цамургу захlматрал



дуссукъаттая чанарду дуваву. Дурми циван якъадайсса диркlссаривгу къакlулли, ягу, гужну ссур дулла, ппив-ххив дувайсса диркlссарив, гъаркlи диркlуннихха, дуллантlиссия чанарду. Чlаххул Рамазан ва Загьирбаг, аьпа бивухул, суратру ришлангу бикlайва. Таний суратру рищай аппарат нажагъссанначlа бакъа къабикlайва. Жуйн фотосессиялийн оьвчайссия чlаххуврал. Цlивсса цlувцлучарил чlирайх дахlайссия бавахьал ганскарцив, каршул хьхьичl бацlлай, махlлалул оьрчlал суратру рищайссия. Дакlнийри цал, Загьирбаг ттуйва хlаллу булла, нава бакьин булла, хlадур булла ивкlсса куц. Ца сьятрайссавагу къабацларчагу ганал бувсса хlаллурду, оьрмулухун дакlний ливчlунни цlун къахьунну, аякъалий буллалисса хlарачат. Хъуниминнал мюрщиминнаха аякъа дуваву аьдатъя. Жулми, зулми бакъассия. Къурбан цува хушрай дявьилийн лавгсса, Украина, Польша душманная мурахас булла чlярусса орденнан ва медальлан лайкь хьусса фронтовик, къянкъасса адамина икlайва, оьрчlал тарбиялул ялув цакаьну авцlусса. Ва махlлалул оьрчлангу наставник икlайва, цу-унугу вьйлиллай ухьурча, тlулуйн уцайва, ваяя цахьис нигьгума дикlайва оьрчлан. Загьирбаглул цал Буйнакскалив цалчинмур педучилище къуртал бувссия, цаппара шиннардий Цlийшиял шяраву учительну зий уссия. Яла, Ростовна-Дону шагьрулий Муххал ххуллул транспортрал пишакартал хlадур бувайсса техникумгу къуртал бувну, зий уссия муххал ххуллул даврий, зий унува, заочнайну къуртал бувссия Дагъусттаннал пединститутрал физикалул математикалул факультет. Зий уссия цува мина дирхьусса Манасрай алгебралул, геометриялул учительну, яла завучну. Цува дуньяллия гъаннин завучну уссия. Учителнал даврий бувсса захlматраклу

ва тамансса хlурматрал лишаннан лайкь хьуссар. Лайкь хьуссар ва «Шинал учитель» тlисса цlанин Республикалул учительтурал конкурсарай. Манасрал жямат, ца зумату кунма, буслай байкъалитlавай бикlай цалва оьрчлан хъунмасса тlайлабацацлу хъушиву укун гъунар бусса учительгу, бюхьу бусса завучгу школалий зий ивкlшиву. Ва ччима ученикнашал маз лякьин кlулсса, оьрчлан дарсирдах гьира бутан кlулсса хlакьсса педагог ивкlшиву. Манасрал агъалинал жяматийсса давурттугу Загьирбаглул вихшала дувайва, ва Манасрал чул бищай ттарцlри тlун бикlайва. Хаснува Манасрайсса лак вайннал ужагърай чан къашайссия. Ванал хlарачатрайну лакрал диаспора хlала-гъурттуну бикlайва миллатрал оьрмулуву хъанахьисса иширттавух. Загьирбаг чялишну хlала уххайва Цалчинмур Цlувкlуллал шяраваллил жяматрал оьрмулул иширттавухгу. Ванал гъунарду чlявуя, музыкалул итхьявхсса, учайсса мукьул пасихlсса, хъярч-махсара усттарсса уссия. Ванан кlула гъарца инсанначlан цукун гъан хъун аьркинссарив, хъунанахь бикlу, чlивинахь бикlу, щихь ци учин аьркинссарив, кlула инсан къумасса чlумал, ганал дакl данмур бувсун, рахlат уван, маслхlатрах мюхтажма тlайла ацан уван. Мандолина, аккордеон бищайва. Хъатlай тьмадашиву дувайссия. Ванал хlурмат Ккурттайннал махlлалий муксса лахьсса бикlайвахха, цlу дагьну, ванал къатри ччурчусса чlумал, вайннайнин чlявусса агьлу бикlай буссия, къатри цlу дуккан дуваннин цацlава яхъанан бачияра тlий. Вайннал рязишинна дуллукун, ххарил аьтlий буссия арх бакъа яхъанахьисса хъамитайпа. Захlматрал къадру кlулсса, дакlниву къирият дусса ва махьсса шиннардий экскурсоводну зий икlайва. Цала машиналий туристтал биян булла, буцлай. Дагъуст-

таннал тарих ххуйну кlулсса, багъу-бизу уздансса, гъар ишираву чумартсса Загьирбаг туристтуран Дагъусттангу, Дагъусттаннал агъалигу ххира хъунсса даражалий къуццу тlутlимая. Туристтал ванал дулгалу, хъамал шайссия. Шиная шинайн ванацал экскурсиялий гъан ччими гъарза хъанай, чlиви автобусгу машан лавсун, экскурсиярттай занан дакlний уссия. Лавмартсса цlуцlаврил къаивтунни мурад бартбигьин. Загьирбаг уссия буттал улча, ниттил маз дазу дакъа ххирасса патриот. Манасрай ичува ванал нукlзаманнул тlахlни-кlичlу, къай-къуй дусса музей-къатта буссия. Ванал цакаьсса дусшиву дикlайссия лакрал чичултрацал, артисттуратрал, культуралул зузалтрацал. Ци журулул мероприятие дучьурчагу, жагьилтурахь шяраваллил, миллатрал ца ванияр тихуннайгу адаврай ядулланну ва машгъур дулланну къуццу тlутlияра тlун икlайва. Ванал ккалли дансса царагу мероприятие къакъаритайва. Цуксса цува чlун дакъа унугу, бивкlулий, буккулий, хъатlуй, къюртlилий мудан икlайссия, гъарнал чlарав, ттарцl куна, ацlайссия. Гъар шинах, кулпат Ххаджатлул бувсса кlарттул ччатlгу (вайннал лакку кlара буссия Манасрай) лавсун, Ххувшаврил байрандалул кьини Ахlмад-Хан Султаннул гъайкалдануцлан уккайссия. Ххаджатгу, вагу цаннан ца къукухьхьиреу кунма бавкъусса лас-щар бия. Ва ххаллилсса лас, аякъалийсса ппу ва уссу ия. «Хъиншиву ,зулва оьрчлан дикlу, цайми инсантуран дикlу, цуксса дурив, муксса зучlаннагу зана дикlантlиссар», – чlявуну тикрал байссия Загьирбаглул. Чантl увкуссара тlисса, лаккучувра тlисса инсаннал дакlниву цlурхьхьу тlисса буркукlиттуваналмур дакlниву бия. Ххирассия Загьирбаг Цlувкlуллал жяматрангу, бусравну уссия Манасрал агьлуданунгу. Ва кlулцириннаву, учениктураву ванал цlа хlурматрай кlицl къалагансса, бунагьирттал аьпа баннав къачинсса къаикlантlиссар. Укуннагу чаннамур чансса ва дуллу дуньял диялну гъав ларгунни жул уздансса Загьирбаг лагайтту. Алжаннул ххари уваннав, гъав нурданул дуцlиннав, марцlсса ссавнил журат дусса, пиш тlий акъа инсаннал иттава къаурувгсса ттул ххаллилсса чlаххувчув Загьирбаг!

Патимат Рамазанова

Жул интервью

Расуллул махъ абадссар

→ Дайдихъу 1 лаж.

Шаэрнал рувхIанийсса ирсирал къуват

– Зарема Ажуевна, Расул Хамзатов дуняллийн увккун 100 шин там шаврил юбилей паччахIлугърал лагрулий кIицI даврил хIакъираву Аьрасатнал Президент Владимир Путиннул Указ бувкния тийнмай, Дагъусттан, хаснура вил каялувшиндаралусса ведомство, зий дия шаэрнал цIаницIун бавхIусса проекту сакин баврил ялув. Буси шаэрнал юбилейрайнса хIадуршинна цукунсса диркIссарив.

– Аьрасатнал Президент В.В. Путиннул Расул Хамзатовлул 100 шин кIицI даврийн багъайсса Указ хъуссар Дагъусттан Республикалун агъамсса политический хIукмуну. Цилгу исват бунни Расул Хамзатовлул творчестволулгу хъунмасса кIану бугълагъисса Аьрасатнал чIяву миллатирттал культуралул ирсирах ПаччахIлугърал БакIчинал дуллалисса къулагъас цуксса дуссарив.

Аьрасатнал рувхIанийсса ирсираву абадлий лирчIун дур Расул Хамзатовлул цIа.

Мунийн бунну, Указ бувкния шийнмай байбихъуну, хъунисса проекту дузрайн букканнин жун асар хъанай дия жуйрасса хъунисса жаваблувшинна, бувчIлай бия Совет Союзрал, Аьрасатнал ва Дагъусттаннал бюхттулсса арснал аьпа абад баврил ххуллийсса давуртту паччахIлугърал каялувшиндарал жуйнна вихшала даву – му жула даврин бишлашисса лавайсса кьимат хъанай бушиву.

Махъ бакъа, жула республикалий юбилейрал мероприятиярайнса хIадуршинна хъуссар цаппарасса паччахIлугърал структурардал даврил агъамсса ххуллуну. ХIакъину учин бюханссар хъьичI бивхъусса мурадру чулийн бувкссар, дан ккаккан дурсса мероприятияртту лайкъсса даражалий хъуссар, миннуя информациялул пространстолий гьарзагьартану бувъссар куну.

Шаэрнал ттуршра шинан хас дурсса мероприятияду чIярусса хъуссар, жула республикалий дакъасса, Аьрасатнал цайми регионалий,



100 шинан хас дурсса мероприятиедава цуми ккалли хъанахъиссар агъамминнун? Ци мурадру буссия Дагъусттаннал Культуралул министерстволул хъьичI?

– Жул хъьичI бивхъуну буссия Дагъусттаннал культура хъьичIлуннай шавриву Расул Хамзатовлул личность цаллусса эпохану хъанахъишиву, ганал поэзиялул тIурча, Дагъусттаннал магъирлугъ дуняллул машгъур дуршиву аьч дуллалисса республикалул ва федерал лагрулул проекту.

хIатта дазул къатIувгума. Вай мероприятиеду сававну цал ххишала хъуссар хъунмасса билаятрал халкъуннал дянивсса цашиврия, дусшиврия, уссушиврия ва ватан ххирашиврия бусласисса, ХХ-мур ттуршукулул хъунисса шаэрнал творчестволухсса жяматрал ва ялун нанисса никирал къулагъас. Шаэрнал юбилейрал мероприятиедайн Аьрасатнал цайми регионалий хIадур хъанай бушиврул жуву гъавас ххи буллай бия.

Цаппарасса федерал министрстварттал ва ведомстварттал, Москвауллал ХIукуматрал, федерал библиотекарттал, музейрал, кIулушиву дулаврил идарарттал ва издательстварттал, СМИлул ва элмийсса институтирттал шуруци дурну дия шала билаятрай ва дазул къатIув дувансса мероприятиедал сияхI. Хъунмасса захIмат юбилейрал шадлугъру сакин даврил ххуллий бивхъуссар Аьрасатнал ХIукуматрал хъунаманал хъиривмур Татьяна Голиковал каялувшиндаралу зузисса федерал сакиншиндарал комитетрал ва Дагъусттаннал бакIчи Сергей Меликовлул каялувшиндаралу зузисса Республикалул сакиншиндарал комитетрал.

Хъуссар выставкартту, литературалул хъунабакъа-



вуртту, гастроллал проекту, элмийсса конференцияртту, онлайн проекту, аьпа абад буллалисса мероприятиеду, шаэрнал шеърирду ккалакисса флешмобру, бивхъуссар шаэрнал произведениерттаясса спектакльлу, цин лавхъхъусса даражалийн бувцуссар Расул Хамзатовлул оьрмулуцIун бавхIусса объектру, дуккан дурссар Расул Хамзатовлул цIанийсса медаль. Капитальный ремонт дурссар кIулушиву дулаврил, цIулуллу-сагъшиву дуруччаврил, магъирлугърал идарарттай, цIу буккан бувссар ххулулрду. Гьарца ведомство зий дуссия халкъуннал шаэрнал аьпалун хас бувсса проекту шуруци баврил ва ми чулийн буккан баврил ххуллий.

– **Расул Хамзатовлул**

2023 шинал мартрай Оьруснал театрданува республикалий официальнойну тIиртIуссар Расул Хамзатовлул шин. Муния махъ Расуллул шин тIиртIуссар республикалул гьарца муниципалитетрайгу.

Юбилейрал лахъсса статус кIицI лавгссар Аьрасатнал Федерал Собраниялул Федерациялул Советрай лаваймур палаталул спикер Валентина Матвиенкол ва Аьрасатнал ХIукуматрал хъунаманал хъиривмур Татьяна Голиковал, Дагъусттаннал бакIчи Сергей Меликовлул, сенатортурал ва ПаччахIлугърал Думалул депутаттурал гьурттушиндарайну Расул Хамзатовлул кьинирду даврийну.

Федерациялул Советрайсса кьинирдал аьч дурссар

шаэрнал оьрмулул ххулулул агъамсса дазу – Расул Хамзатовлул жула улча ккаккан буллай ивкIссар Дагъусттаннал къатIув.

Хъунисса политикалул ишккакку хIисаврай, цув хъунаавкъуссар Сталиннуцал, Фидель Кастрошчал, Индира Гандишчал, Совет Союзрал каялувчитурашчал ва ПаччахIлугърал БакIчи Владимир Путиннуцал. 2003 шинал Путиннул кIунттища шаэрнал ларсъссар билаятрал ларайсса награда – Святой апостол Андрей Первозванныйнал орден.

Федерациялул Советрай жу ккаккан дурссар хъунисса мультимедийный экспозиция, цивунгу дурхсса луттирдал выставка, шаэрнал политикалул лидертурашчалсса суратру. Шаэрнал творчестволул ирс ккаккан бунну буссия тач-экраннай – Расул Хамзатовлул шеърирду, фотодокументалистика, наградарттал коллекция. Кьинирдал лагрулий итабавкъуссар «Расул Гамзатов» тIисса марка. Яла яргсса ишну хъуссар республикалул магъирлугърал устартурал программа.

Юбилейрал шадлугъру хъуссар МахIакъалалив ва шаэрнал ватандалий Ххунзахъ. Ми шадлугъирттай гьуртту хъуссар СКФО-лийсса Аьрасатнал Президентнал вакил Юрий Чайка, Аьрасатнал Президентнал магъирлугърал иширтталсса буллалисса маслихIатчи Владимир Толстой, Аьрасатнал Президентнал Администрациялул каялувчинал хъиривчув МахIаммадссалам МахIаммадов, Аьрасатнал Чичултрал союзрал хъунама Николай Иванов, сенатортал ва Аьрасатнал ПаччахIлугърал Думалул депутатттал.

Агъамми мероприятиядан ккалли хъанахъиссар «Родники Расула Гамзатова» тIисса музыкально-театрализованнойсса литературалул представление ва «Наш Расул» тIисса мультимедий экспозиция, цивунгу духлахисса кулпатрал архивравасса суратру, шаэрнал произведениерттал цIу-цIусса луттирдал выставка, архиврал материалаясса видеотрансляция, халкъуннал сяна тирттал выставка ва мастер-классру. Ва куццуй, яргну ва хъунисса лагрулий ккаккан дан хIарачат барду жу Дагъусттаннал авадансса культура шаэрнал ттуршра шинал гьантта-чIумул дагъанттувух. Постановкарттал трансляция дуссия МахIакъала шагърулул кIичирттаву хъунисса экраннай.

Сентябрьданий юбилейрал гьантрай республикалул



Жул интервью

Расуллул махъ абадссар

→ хъуншагърулий дуссия шад-лугъру, миннул шагърулул агъалинан ва хъамаллурал ккаккан дурссар халкъуннал хасият. «Дни белых журавлей» тлисса, мукъцалла шинал хъхъичи цала Расул Хамзатовлул дайдируну, аьдатрайн бунну, гъарца шинал шайсса Дунияллул халкъуннал дянивсса литературалул Хамзатовлул фестивалданий гъашину гъуртту хъуссар Аьрасатнал регионнаясса, Таджикнавасса, Ираннавасса, Палестиннавасса, Италиянавасса, Азирбижаннавасса, Египетнавасса, Къзахъистаннаясса, Къиргъизнавасса, Сириянавасса, Гургиянавасса, Белоруссиянавасса, Узбекистаннаясса чичулт.

Махъ бакъа, хасъсса къулагъасранлайкъсса ишхъуссар шаэрнал юбилейрал программа Паччахълугърал Кремлилуву ккаккан даву. Музыкально-театрализованнойсса представлениелул тамашачитал бувцунни классикнал бивкълу бакъасса поэзиялул дуняллийн. Шаэрнал мукъурттийсса гъарцаннан ххира хъусса балайрду увкунни РСФСР-



данул халкъуннал артист Лев Лещенкол, Аьрасатнал халкъуннал артистътал Юрий Антоновлул, Александр Буйновлул ва Валериял, Аьрасатнал лайкъ хъусса артистътал Екатерина Гусевал, Дарья Морозлул, Дмитрий Дюжевлул, Евгений Дятловлул, Сергей Волчковлул, Зарал, Жасминнул, артистътал Сосо Павлиавилил, Аглая Шиловскаял, Александр Ребеноклул, Александр Панайотовлул, Стас Пъехал, Марк Тишманнул, опералул балайчи Аскар Абдразаковлул.

Дагъусттаннал культура

ва Расул Хамзатовлул шеърирдал ирс ххаллилсса даражалий ккаккан бунни «Лезгинка» ансамбльданул, «Поющая Чарода» арамтурал хорданул, «Дагестан» ансамбльданул квартетрал, Дагъусттаннал опералул ва балетрал театрданул, Дагъусттаннал филармониялул солистътурал, машгъурсса балайчитурал, театрдал артистътурал, оьрчал магъирлугърал школардал. Мяна-мурадрал авадансса постановкарттал, яргсса сценографиялул ккаккан дунни тамашачитурал дуниял ца яла яргма шаэрнал яруннивух.

Кремлилул жанахраву клира зивулий дирхъундуссия Тахо-Годил цанийсса Национал музейрал фондирттавацца экспозицияртту. Мероприятие ккаккан дурссар Цалчинмур каналданул эфирданий.

Ва мероприятиялул хасъсса лишанну хъуссар Паччахълугърал Бакчи Владимир Путиннул, сахналийн увкун, Расул Хамзатовлул творчество, ганал жула билаятрал лавгмунил, хлакьинусса кьинилул ва ялун бучантгимунил ххуллий бувсса захмат лавайсса хурматрай кици лагаву. «Дагъусттаннай на яручувра, Аьрасатнаву - дагъусттанлувру, дазул къатлув - аьрасатлувру» тлисса Расул Хамзатовлул машгъурсса махъру Паччахълугърал Бакчинал кици лавгунни миллатирттал чявушиврийну, гуж бусса цашиврийну, культурардал аслишиврийну Аьрасатнал ляличисса формулану. Кремлилул сахналийн укварийну Владимир Путиннул лавайсса кьимат бившунни жура дуллалисса аьмсса даврин.

Гъай-гъай, ва чявусса мурадру бусса даву дузрайн дуркссар Республикалул бакчи Сергей Меликовлул кабакъаврийну.

Шаэрнал 100 шинал федерал статус булаву тасттикъ хъуссар сентябрьданий Валентина Матвиенкол каялувшиндаралу жула республикалий

Расул Хамзатовлул ттуршра шинал хас дурсса «Историко-культурное наследие России» тлисса IX-мур Парламентский форум даврийну. Форумрай гъуртту хъуссар федерал ва регионал властърал органнал, жяматийсса структурардал вакилтал ва ациния арулва билаятраясса парламентарийтал.

Форумрал цалчинсса кьини хъуннасса шадлугърал лагрулий тивтлуссар «Лезгинка» ансамбльданул къатта.

Шинал лажиндарай социал медиа сурсатирттай най буссия литературалул флешмобру #ЧитаемРасула. Мунил лагрулий магъирлугърал ишккаккулт, пишакарсса артистътал, дуклаки оьрчлру, личи-личисса регионнаясса Расул Хамзатовлул творчество ххирами ккалай буссия шаэрнал шеърирду.

Гъарца дурсса давурттал лагрулия ца ихтилатраву бусан захматри. Амма къабувсун къабучлир, гъарца мероприятиелул ялув зий бивкшиву хлакьсса пишакартал, магъирлугърал ишккаккулт, клулшиву дулаврил, элмулул, СМИ-лул зузалт, жагилтурал ва жяматийсса ккуранну, студентътал, дуклаки оьрчлру ва укунмасса инсантал. Вай цинявннал захматрайну шаэрнал юбилей хъуссар халкъуннал бай

Хъиривгу буссар





Адабият
лаҗини

АБАКАР МУДУНОВ

Цусса шин

Кугьланну бачайссар
Зунттал аьтартту,
Парандарал кьама
Клунттил бувгьуну,
Кири бивчусса чал
Ласайссар манзил,
Цушинал бухкьулу
Бачи лахьанну.
Жаггу байбишинну
Буттал кланттушал,
Барзул кьатитинну
Хьару тиртлусса.
Насу, жул духсса шин,
Таварихравун,
Мукуннича лавгсса
Буттахьал оьрму.
Духлаху, цусса шин,
Таварихравун,
Мукун буххайссарча
Наслу чагьравун.
Аьраву даркьусса
Интгу духьурча,
Тлутай ницл чьарусса
Гьигу нанувча.
Цанарив цумунийн
Духмунияту
Заманалул ламуйх
Жува лахьанну.

МИНКАИЛ АБЛИЕВ


Кинттул

Гьавалувух хлаллих,
Клутлу тий, най бур
Лехлай накьчирттай
Кяла марххала,
Миннул бястлий-ччаллий,
Тгислай ва кьукьлай,
Лухчинийх чачунгу
Дарай лахлай бур.

Кьютлсса художниктал
Чавахьулттал бакрах,
Кьаламру бакьанма,
Сурат дуллай бур.
Дякьил зевлул члурдал
Жура-журасса,
Музыка бакьанма,
Макьан дуцлай бур.

Щаращал пашманну
Ссихлру ласлай бур.
Миклирал нехругу
Чувин дурну дур,
Кинтнил замгьарданул
Азгьунсса хьару,
Чачун титин дурну
Ччимур буллай дур.

Оьрчлру, кув санкардай,
Кувгу конькардай,
Илкинну, сант дунийх,
Ччехру бигьлай бур.
Кинтнил тлабаьтрал
Ххуйшивурттая
Цайхва цала бутла –
Бачлу буллай бур.



К. Чугуевулл суратру

АБЛИ АЙДАЕВ

Январь бур буруглай

Январь бур буруглай утти ттул иттав,
Ав бан, авлий бувксса
ккашил барцл кунма,
Ура дакниийн багьлай чья-ччяни утти
Щюлли барзру лавгсса,
пар кусса кунма.

Юх, аьтгий акьара лавгсса оьрмулий,
Аьтлутлувча оьрму оьнин гьан бувма:
Буттал ватандалий.
Чай макьандалий
Цалагу балай чин кьудрат кьархьума!

Ттул айгьур, мьайжанссар,
хьхьичлун кьабувкссар,
(Цичиви, бухунссар пагьму бакьасса).
Амма хиллаллийну ца ша кьабивзссар).
Махь бухьхьу,
Хьхьичл бухьхьу,
Аьщуйнгу бувкссар.

Январь бур буруглай утти ттул иттав,
Ав бан, авлий бувксса
ккашил барцл кунма,
Ура дакниийн багьлай чья-ччяни утти
Щюлли барзру лавгсса,
пар кусса кунма.

БАДАВИ РАМАЗАНОВ

Цусса шинаха

ПАРЧА

Хьулухун дирну дур
Цана Цусса шин,
Кьамул дуллай, ччай бур
Ганихь укун чин:

«Цуллу-сагьшиврущал
Духханнав ина,
Буллай байбишиннав
Зунттайн марххала.

Хьинну дюхьантлссар
Интту уртту-шин,
Ванияр бусравсса
Бакьар чарххала.

Кьур бювхьуну кьама
Хьатган харж хьуннав,
Ятту лургьи хьанай
Зунтту буциннав.

Оьмур яла гьаннав,
Хьинмур бучланнав,
Бухкьуллия хьамал
Зана кьахьуннав.

Чяру хьуннав цларду
Хьинсса вирттаврал
Хьиннура машгьур дан
Ва жула Ватан».

Хьулухун дирну дур
Цана Цусса шин
Кьамул дуллай, ччай бур
Ганихь укун чин.

**МАХАММАД-ЗАГЪИД
АМИНОВ****Кинтнил хъхъуну**

Аътий бур кинтнил буран,
Ккурчла-чиралух буклай,
Къатлув ливчлсса чув кунма,
Буххансса кланттух луглай.
Чуннивав хъита тлссса
Ттул гъарив дакнил къюву,
Ххуллий куна ураха
Гъилисса пачкъатлуву?

Агъ, ттун язугъ шай мудан
Аътлссса хъхъунийгума,
Къатлув ливчлсса ятиннал
Якъама члуний кунма.
Ци байссар та ххурххулун,
Ци байссар илгъамдалун?
Цуксса гъили хъунавав,
Ина буххарча ялун...

Къутл учайхту, нуз титтин
Хладурну дур ттул кагу,
Дурсса куццуй, пачлийра
Дякъавай дур дукрагу...
Ца бурвав, чара ххуллий,
Цу урвав чирах ливчлун,
Бувтун ялун варсигу,
Уккавиявхха хъхъичлун?

АБЪДУЛ МИРЗАЕВ

* * *

Кинттулгу щюллссса мурхъ,
Ссуттилгу щюллссса мурхъ,
Даиман щюллинмасса
Ттул ттарлил мурхъ, ттарлил мурхъ,
Ина мурхърав, юхссагу,
Щюллинна члалачлссса,
Мурхърайн клура дарсса,
Ттул уздан оърчшивурав?

АЛЕКСИ АБЪДУЛЛАЕВ**Бартукъ**

Буттарссил буллуна
Ттун бартукъ бухсса,
Авъзал заманалул
Къанкъ цивурасса.

Бия га гъилисса,
Пачкъатта кунма,
Мурцулугу бацлайва,
Акълукар кунма!

Къааьркинъя виргъан,
Шану-кларалу,
Гъая ттун га бартукъ
Ялун, баклралун.

Ганил щурцулийну
Магъри бусайва,
Буттарссил кунма, ттухъ
Маслихлат байва...

Дирклунни
Буттарссу,
Ливчлунни магъа,
Бартукърив бур
шаппа,
Акълукар кунма.

Ялун га бутара
Авъкъусса члумал –
Сагъ хъуну,
Буттарссу
Зана шай ттучлан!



Адабиятфал
лажсин

ВАЛЕРИЙ АМИРОВ**Дайдиша вила члун**

Нану, буллуссар изму,
Цлусса шин, жул Цлусса члун.
Чадуркра учин вихъгу
Бавтлуссару жу цачлун.

Рахлмулий бува хлукму,
Цимилий да цлуххаву,
Члун къадирсса оьрмугу
Маласара дянива.

Вийн вихшала, вийн умуд,
Цлү иширттал бара хъун.
Арх бува жун оьмругу,
Цлү къалагай дард къахъун.

Дайдиша тти вила члун,
Буллалу гъантри цачлун.
Дур-дурмунил хлсав-сан
Дува, яла жухъ бусан.

АЛЕКСЕЙ ХИЖИЕВ**Гъанай дур дуниял,
лаглай дур шинну**

Шинал дайлитлүлий, иминсса хъхъуну,
Куклуну зизлай бур клуклу пиягъру,
Итталух занай дур, дастта дархлуну,
Барткъалавг хияллал лахъи сияхлру...

Къинилун ца ритлай,
гъантлул барз канай,
Рузламалул члалпив духраларгунни.
Цилла къаралданий дуниял гъанай,
Щаллу-ккурккисса щин ккуру ларгунни.

Дунъяллун ца шинал хлсав-сан цери?
Аьламрал хлавзливун
бувтусса ца клунт!
Ва жулва оьрмугу мува лахлзари –
Щаращя ца ххув, тлүтлүя ца ссунт!

Гъанай дур дуниял, лаглай дур шинну,
Ца чулийн клу дуллай
оьрмуллул цилцин.
Амма бюхълай бакъар дуван хлакьину
Лавгмур оьрмуллул ккал,
ливчлмунил дуцин.

Къинирдал ца къини бяличлан банссар
Чиви лахлзалийсса оьрмуллул балай,
Панасса дуниял гъанай личланссар,
Халкъуннал къадарду
нигъирттагъ гъаллай.

Зизлай бур пиягъру,
багълай бур клунтлру,
Оьрмуллул члундалий
кюрщантру дичлай –
Ччиссаннун ппайрду, тлүтлүя ссунтлру,
Щаращя ххуврду
къавкунма личлай...

К: Чулуевул сурагъру

Шинал дайлитлүлий, иминсса хъхъуну,
Куклуну зизлай бур клуклу пиягъру,
Итталух занай дур, дастта дархлуну,
Барткъалавг хияллал лахъи сияхлру...



ХьхьичИмахъ

Мюнхаузеннул хаварду

Ххирасса оьрчIрув! Жу дукIу-кIурссану бившуссия «ЧимучIалттуй» Мюнхаузеннул хаварду. Мадарасса чIун ларгунни гихунмайми хаварду таржума къабувну. Зу ялугълай бухьунссарухха, бурув?

«Мюнхаузеннул хаварду» буниялттунгу 18-мур аьсрулий Германиянаву ялапар хъанай ивкIсса барон Мюнхаузеннул хавардур. Му аьраличув ивкIссар, цаппара хIаллай Аьрасатнаву куьуллугъ буллай, туркнащал талай ивкIссар. Германиянавунай зана шайхту, мунал ца машгьур хьуссар вих хьун захIматсса хаварду усттарну ва пасихIну ляхъан бувуну. Уттигу щинчIав къакIулссар мунал ми хаварду цала чичайсса бивкIссарив ягу мунал буслай цаманал чивчуссарив. Так 1781 шинал Мюнхаузеннул цаппара хаварду дунияллийн бувкссар. 1785 шинал тIурчарив, ламсанал чичу Рудольф Эрих Распел, ми хаварду бакьингу бувну, лу итабавкъуссар. Яла, махъ, цайми чичултралгу ххи бувссар Мюнхаузеннул фантастикалул хаварду. Амма луттирал авторну ккалли увайссар Распе. Оьрус мазрай Мюнхаузеннул караматсса хаварду бувьссар машгьурсса чичу Корней Чуковскийл. Мунал бувьсса хавардура нагу гьирарай таржума буллалисса.

Таржумачи

Мяйра ччан дусса бюрх

Цуппа Аьрасатнаву циккссагу аьжаивсса ишру хьуссар ттушчал. Кьинирдал ца кьинигу ца эмаратсса бюрххул хьирив агьну ура. ТIанкIру дуллай, ливхьун най буссар, бигъа-лаган аглан шаву дакъассар.



Ликкурттал диришиву ция учакай, кIива гьантта хьун ттул балчаннуй бурттий бюрххул хьирив хьуну най. Бирияйссияв?! Ттул вихшассал дус, ккаччи Дианка, ганил шаттирай ша бизлай най бия, ттушарив ттупанг битан шайсса манзилданий хьирив лаян къавхьуна. Шамилчинмур кьини цукуннугу нааьнасса бюрх бувтссия, балчаннуя ливккун, га бирикъаяй бюрххучIан гьан хьура. Вагъ! Ттул махIатталшиврул дазу дакъая: бюрххуй мяйра ччан дия, мукьра ччан –лякълуй, мукьра – ттиликIрах. Цуллусса, цакъсса мукьра ччан бюрххул бурхIайгу! Ванакъай зунма тамаша! Ччаннал луртан ккакки! Лякълуйми ликри дурххувкун, бюрх, лякъа лавай кIура бавну, бьанивссаннуйми ликкурттай лечайсса бия. ЦичIав тамаша бизансса зат бакьар, шанма гьантлий гукунсса, марч хьусса, бюрх ттухьхьун къабирияву.

ЧаналуцIун бавхIусса барцI

КIинттул балчан ххяххан буллан кьулайну къабикIай, чаналий бурттий кьулайри аьрххилий уккан. На ттунна

хьинсса чана машан ласав, му балчаннуцIун дахIав аьрава дурну. КIукIлусса марххалттаннийх бивгьуну ссур хьуну най дур ттул чана. МаркIачIанай на вацIлувун ивра. Шанул анкIа тIисса ттун ца ппурттуву баллан бивкIунни балчаннул хIухIуллул чIу. Яругу ливхьуну, личIулуну урувгра – зурул чаннай ххал хьуннихха ца аждагьасса барцI. ХхутIивгу абахъан бувну, ттула чаналийн хьирив хьуну най. Га аждагьалул ххутIаща ххассал хьунссара тIисса тамахIвагур бакьасса. Нигьаусаврил, къуж дурну, чаналий уттува ивхьура, бурцIин нава ххал къахьуншиврул. ДакIиний бур цаххандарал шаврил яругума лавкъусса. Ттул балчанмур, жиндрал хьусса кунма, бусса чаралий ссур хьуну най буссар. БурцIил ххутIал зиркьлил чIумур буссар вичIал чIаравва баллай. ТалихIиннаран, бурцIин на хIисаввагу къавхьунна. Чаналул ялтту, тIайланма, ттул бакIрал ялтту ххяххуннихха ттул байчарасса балчаннуйн. На яру тIивтIуну урганнин, ттул балчаннул махъми ччаннащалсса дачIи ххяхча хьунни бурцIил къацIливу! Ццаххандарал хьусса ва къювулул къазразан бувсса мискин, балчанмур, буссар хьхьичIми

ччаннай къаркъалагу, чанагу ххюрхху дурну най. Къанихсса бурцIил гьагIувун буссар бювкъун най балчаннул ливчIмур бачIи хханххагу. Ттуйна нава учIайхту, балчаннул хьхьичIмур ххяхчагу къюлтIа тIутIисса бурцIил бьанних мархъ бишлай улувкъура. Бища-мабищара! Бища-мабищара! МуркIа бувну баттав. БарцIмур, цIир-цIиргу тIий, хьхьичIунмай ххяххунни, балчаннул хьхьичIмур ххяхча бурцIил къацIливалу, ттамп куну, щяв марххалттанийн дагьунни, балчаннул кIанттайгу чаналул рукIлилу хьунни барцI цуппа. Хьит-шит тIий, итхяххан хIарачатрай бур, хьхьури хъап-шап дуллай бур. Чун ххяхханссар рукIлилу, авай, цакъну бавхIусса ажду? Нагу мархъ бишлайнара усса ганил бухчIинссаннуйх, запIатIи бувну. БарцIгу най буссар, на къутI ивкIсса чанагу ххюрхху дурну. Жу, мукун анаварсса бушчилий ссур хьуну найгу бунуттий, ца-кIира ссятрава бивунну Петербурглив. МахIаттал-хIайран хьусса Петербургулал агьлу, ккучу-ккучунну дурну, тамашалий бувккун бия, аждагьасса барцI мютIи бувну, рукIлилун бавкъусса виричув цу урив ккаккан. Петербургливсса оьрму ххуйсса бия.

Мюрай цулчIа

Гьарца затрал хIалугу, иширал мухIлу-хIингу кIулсса инсан оьрмулуву бан-битан бакъа къаличIайссар. Амма ва дунияллий ттунуксса хIилларду ва мухIлу-хIин кIулсса цама акьассар. Ххисалдаран на яла личIлулмагу, яла хIиллакармагу инсанна. Вай махъру тасттикъ буван на зухъ ца хавар уттигу бусанна. Тарив оьруснал вацIравух авлий уклай унува, ттун ххал хьуна ца авурсса лухIи цулчIа.

Биякъай га цулкIлул ца авурсса лу! ХIайпья гукунсса эмарат кулларду бивтун ккутIари буван. Мукунсса чIумал, бакI зий бухьурчан, ци-бунугу ца чаран лякъин бигьассар. Зун кIулссар на ттуяра такIуй ца къадайшиву. Амма ттул кунма зузисса бакI дунияллий цаманал бакъашиву зухъ ччиманал бусантIиссар. КутIану бусан, буккав ттупанграва ккулла, личIав лахъива лахъисса балчаннул мяр, битав цулкIлул мицIмагърайн. Цал цулкIлул магърайн, яла мурхьирал ухнийн къувтIуну, ттул балчаннул мюрал запI бикIан бувну цулчIа мурхьирал ухницIун лачIун бунни. Нагу, хIаллицIух гьан хьуну, цулкIлул мархъ бишлай улувкъура. Мурхъхьал къювулул къазразан бувсса цулкIлул, хьит куну, ччарча вих хьира, ччарча машару, цила бурчу ва магъгу дунийра къадиртун, кIачIа-кIулуну вацIлувунмай ака бувунни! Нагу лап ххарину, ккуллардал ккутIари къабувсса лухIи цулкIлул рахIугу хьарайх бившуну, шавай зана хьура.

Таржума
ПатIимат Рамазановал

2024 шин зулгу шинни

Ххирасса оьрчIрув! Ва Хьалун дуркIсса 2024 шин Кулпатрал шин хъанай духьувкун, зулгу шинни. Кулпатрал вирдакIрихха оьрчIру. Жувагу пикри банну ва Кулпатрал шинал цукунсса конкурсру баян буван бурив «ЧимучIалттул» хьаттирдай. Чара бакъа. Ва цIусса шинал цалчин зучIан биянтIисса «ЧимучIалттул» чIа учинн Кулпатрал шинну баян бувсса 2024 шин, циняв кулпатирттан цуллушиврул, дакъаврил ва талихIрал шинну хьуннав куну. Ххаримуння, ххуймуння чичIай гьаннав ва шин цинявннан гьармуниву тIайлабацIу хьуннав!

«ЧИМУЧИАЛИ»
хIадур бувссар
ПатIимат Рамазановал

Ца яла чаннами асардал савлугъ



Фасих ва Ариза Ккурклив

Уттигъанну, ттула луттирдаву ххилтлу тий буна, бакрайни багъунни нава Дагъусттаннал университетраву дуклакисса чумалсса, 1984-ку шинал декабрь зурул 31-ний бувксса, мукъра лажиндарайсса «Дагъусттаннал университет» кказит, Циушинайсана номер. Хъинну хлазрай ххал бав 40 шинал хъхъичисса студенттурал чивчумур.

Личи-личисса факультетирттал студенттал, миннавух дазул къатлатумигу, мукунма преподавательталгу буслай бур Циусса шинал байрандалул хлакьравусса цала-цала пикрирду. Хлакьину жучава Циусса шинал байран бусурмантурал байран дакъар тисса хавардугума баллалисса чумал, ччан бивкунни вай цума ци тий урив ххал бан. Ттуятаву ттурчарив, Циушинал байран ттуна хъинну ххирасса, талихтирхандарайсса оьрчшиврул ца яла тлаанми, чаннами асардацун дархлусса байранни. Къатлувух ппивхусса тлаансса елкалул къанкъ, нитти-буттащал цачу му чюлу буллалисса ххарисса чунну, нахлу дукрардал ссупра, бучлантисса хъамал... Цила диклайкунсса байран. Школа-лунсса елка къукъин Циаьардал даралувуса вацравун гъан айва ппу. Къавгу бивкисса, ххуйваххуйсса елка жунма шаппайнгу лавсун учайва. Хъунив ххуллийн бувккун, ссавур духларгун ялуглай биклайссияв. Ттайлассар, цанасса аькьлу-клушлилий на елка къакьукъинтиссия. Биклувча вацравува гъава марц буккан буллау. Ччиссаксса ва ччимур журнал ул искусственайссагу бур. Язугъ хъанан биклай байрандалул гъантри лавгун махъ кичирттавах мурчал ласун буллалисса, хлазгу лавсун, экъивчусса елкардай. Утти бурганну ци тий бурив Дагъусттаннал университетрал танийсса студенттал.

Угандалиясса Мухиндо Самуэль:
– Циушинал байрандалул хъхъичисса кьини гъарица поселокрай Жагьилтурал союзрал хладурдайссар духсашинтлайла дуклакисса мероприятияртту: музыкалул программа, личиличисса ттуркмурду. Инсантал занан биклайссар кичирттавах ялун нанисса Циусса шинал барча буллау, къавтий, ба-

лай тий. Укунсса дьялахърулай буна ялун дияйссар Циусса шин. Хъирирмур кьини, январь зурул 1-ний, цаххуврайсса поселокирттая бучлайссар цала-цала байрандалул, дьялахърулул программардащал, ккаккан байссар цала гънарду. Дуллан биклайссар Циусса шинаву ххуймур-хъинмур чла тисса дуарду. Ахттайн бизулий, чюлусса, авадансса ссупралух щябивкун, бисмиллагъ бувну махъ, байбишайссар футболданул, волейболданул бяст-ччаллу. Миннуву гуртту хъун дучайссар лагмасса поселокирттаясса командарттугу. Кьунниялай циняппа батлайссар клубравун кино ххал дан.

Шагьрурдаймур байрандалул шадлугъру, гъай-гъай, поселокрайнийр лахъа-хъунну, фейерверкирдащал, салютирттащал лагайссар.

Сириянавсса Фасих Бадирхан:

– Сирияनावу Циусса шинал байран, цайми хлукуматирттай кунна, декабрь зурул 31-ний хъунадакьайссар. Жагьилтурал язи бугъайссар байрандалул ссупра тивтулуну щябикансса, дьялахъру дансса ххуйсса клану. Чъярумур чумал куранну дурну, вацравун, зунттаву лагайссар. Оьрмулул бугьарасса чявуминнал ва байран кичи къалагайссар, цанчирча Циусса шин вайннал исламраин бувну хлисав дайссар (Циушинал байран «хижралуцун» дархлуну кичи дайссар). Махъсса шиннардий Сирияनावу, диндалул къадагъардах ва хъхъичларасса аьдирттах къабуривгун, циушинал байрандалул агъамсса клану бугълан бивкунни, хаснува интеллекцианал дьянив.

На чивисса чумал ттуна ва байрандалия цичлав къаклуссия. Цанарив ттул ниттил, цайми байраннай кунна, ва кьини жура-журасса нахлусса дукрарду дай. Циусса шинал байран хъунадакьин жучан чяву SSA хъамал бучлайссар. Цанасса 1985-ку шинал байран тайннан на акъана кичи лаган багъанссар.

Циусса шинал жула билаятирттал ва халкьуннал дьянив SSA дусшиву хъиннура цаьк хъуннав тий ура.

Шиккува бусан, Фасих ттуна килуссия. Ва тарихрал факультетрай дуклай иклайва. Ттул ссугъащал, Аризашал ва ванил

гъалмахтурал дусшиву дуссия. Увкиссар Фасих Ккуркливгу. Ванан ччай бия зунттал шяраваллаву SSA тарихрал гъайкаллу, нуклурасса хлатталлив SSA калабарзру, миккусса чичурду ххал дан. Шяравучув Морис Чупаловлул увцуна ва мукун SSA клантурдайн. Ккаккан дурна хъхъичларасса цаланиттил агъулданиа лирчисса кьатри. Цаннива цаннивун нанисса цувцу чарил чланнай тамаша бувну ия, вай Византиянал системалий SSA члананну бур, тачлав укун SSA къаккавкссар тий. Ххал буна нуклурасса хлатталлив SSA калабарзругу.

– Ттула ттаттал ппу Чупалавл гъаттайн увцуссия клазурдардий SSA чичурду дуккин. Дуарду дур тий ия. Шяраву SSA инсантуралгу, навагу хъхъичласса къапурдал ялу SSA чичурду дуккин уллай буссияв. Утти ми гъарзат ххуйну дакний бакъар, – тий, буслай ур Морис.

Сирияनावу дьяви къизгъинсса чумал жу Фасих дакнийн утлай буссияв, чув урвав, ци бакрачлан бувкйрав тий.

Аьчусса, зат клул хъун ччисса жагъил ия.

Укун буслай бур ттул однокурсница Виктория Змызова:

– Ттуна цинявгу байранну ххирар. Циушинал байранний гъарцагу инсаннал яла ххиратур байран дусиврий мукуруа. Ххирар байрандалуцун дархлусса аьдатру: елка, карнавал, бахшишуру, чюлу SSA лаххия, ярг SSA рангру, цайрду, тяхъа SSA музика, хъярч-махсартту. Цайми байранну ца кьини кичи ларгун кьуртал шай, Циушинал байран ялагу найна диклай. Ххирар ва байрандалуцун дархлусса вечердай, карнаваллай, шадлугърал мажлисирттай гуртту хъун. Цурда байран ттурча, кулпатраву, ттуна хъинну ххирасса инсантурал хъунадакьин ххирар.

Жуятура нанисса шин високосный дия. Японнал гороскоп-райн вих хъурча, му дархлусса диклай SSA дур високосный шинал був SSA бура. Муниятурив къаклулли, жуятура нанисса шин ттуна хъинну дархлусса, ярг SSA, талих буса хъунни. «Дагестан – 84» студенттурал строительный отрядраву на лавгра Болгариянавун. Тий хъан був SSA ца барз хъинну дакний личансса хъунни.

Яла-яла дакний лирчмур Циушинал байран? Гъарицагу байран цин лархъхъуну дакний лирчунни. Яла-яла яргмур утиния тхуннай дикланшиврий вихшадарай бура.

Оьмар Оьмаров, аьмсса физикалул кафедралул заведующий:

– Циушинал байран ттуна оьрчниацара яла ххиратур байранни, кланницун, марххалтаницун, Дякьил Ттатацун, елкалуцун, бахшиширттацун, тяхъаши-вруцун дархлусса дуну тий.

Байран ичтура, кулпатраву, мащча-гъаннал дьянив хъунадакьара. Аьш-лишаннайн вих къашай SSA унугу, ва високосный шин ттуна хъинну захмат SSA дия. Ттайлассар, архлала тлаан SSA иширттацун дархлуссагу дия. Шинал лажиндарай пикри-буреккин бутлатимунисшал докторнал диссертация дурурччусса ххаришивугу хъунни. Ттула оьрмулуву яла дакний лирчмур Циусса шинал байран хъуссар 1964-ку шинал. Аспирантуралу-вунгу увхун, Циусса шинал байрандалул кьини бувссар хъатли. Хъунмасса марххала бувна, автобусругума занай бакъая.

Валерий Злобин, юридий факультетрал цалчинмур курсрал студент:

– Циусса шин ттуна яла ххиратур байранни, на муних ссавур духларгун ялугълан икларе. Ххирар байран кулпатраву, мащча-гъаннал дьянив хъунадакьин. На вих шара Циусса шинал байран цукун хъунадаркъуририв, мукун лагайссар щала шин тисса хаварданнийн. Жуятура нанисса 1984-ку шин ттуна дархлусса хъунни. Бартлавгунни юридий факультетрал студент хъун SSA хиял. Спортрал ххуллийгу ххуйсса ккаккярту хъунни – щаллу дан бювхъунни клусса атлетикалул спортрал мастернал кандидатнал нормативу. Вузирдал дьянив SSA спартакиадалий бугъав шамилчин SSA клану. Циусса шинаву ттула оьрмулуву хъунтиссар хъун SSA агъамшиву дусса иш. Инттхунмай ттул хъатли биклантиссар. Ххюра шинал дугу-дуклай, къушлил SSA, кулпатрал SSA булан бигъану къабикан SSA, умуд бур гъарзат ххуйну хъун SSA тисса. Яла дакний лирчмур байран хъунни 1984-ку шинал ттула аьзизму-нищал хъунадархлусса байран. Ци чла учивия ттурча, преподавательтурал ва студенттурал дьянив SSA дусшиву цаьк хъуннав, куннан кув бувчлай, цаннал хурмат цаннал буллау битаннав тий ура.

Адриана Аьдуллаева



ККУРКУЛЛАЛ ТИМУРДУЛ АЬПАЛУН

Хлайп бакъая вил чурххай Цавурдал мина дуван. Вил ццах бакъа дакниц Бивклулул ххяппа дизан!

Цуци шану бякъиннин, Цавурду цу лаганнин,

Жижара



ХИАБИБУЛЛАГЪЛУЛ АРС ШАГЪМУРАД СУЛАЙМАНОВ

Декабрьданул 28-ний, захмат SSA цуцлаврища ххас-саланкъавхъуну, жуятуваличи хъунни ххаллил SSA лаккучув, хъин SSA дак-аьмалданул заллу, Клулушацрал шяравасса Хлабибуллагълул арс Шагьмурад Сулайманов. Шагьмурад ия захмат ххирасса, аьчхусса, хла бавкъусса, мюхтажан ку-маг бан, чларав ацан чялиш-са, инсаншиврул бутла буллу-са адамина. Ванан дурагу 58 шинья. Ва оьрму ванал бувт-ссар лайкьну, дак марцину. Шагьмурад аьпалул шаврил кьурчишиву кидачлай, жижара буллау буру кулпат Узяхъ, душваврахъ Салидатлухъ ва Калиматлухъ, уссурвал Айдмирдухъ ва Аликлухъ, ссихъ Аяхъ, ссил душваврахъ Ти-жаратлухъ ва Аьбидатлухъ, уссил арсваврахъ Исмайхъ ва Махламмадлухъ, щалагу агъулданухъ.

Шагьмурадлу алжан нясив баннав, гъав нурданул дуциннав. Ванан къабуллурму оьрму душваврач, кулпатран, махъ SSA цинявннан булун-нав.

Гъанчувнал цанияту Гулизар Рамазанова

Дяввилул къизгъиншиврийн Шамилчингу най ияв.

Цимиягу ца-ца чув, Дяввилия клуч хъанай, Даька цуцлаврил ялув Циуцаву дихълай буна,

Вил виричувнал дакний Хлукму цамур бакъая, Цукунчлаву лахан ан Тимур хъанай аькая.

Нурмахламмадлул тагъар Вилла чларав хъуня, Ганал дурсса чувшиву Ина тикрал данссия.

Инава клул SSA инсан, Часса цу ухъурчагу, Урвав чара цаьгу Аьсившиву къалирксса.

Ханича Аьлиева, ш. Ккуркул

Лакрал халкъуннал учаларттава

Гъанни-суннил гъалмагъай.

Гъавкурттахялугълай лаччигу къяла лавгссия тIар.

Даки дарккусса дус дару бакъа цуцавур.

Дакинил бусайссар дус цуриг, душман цуриг.

Дакиния дакинийн ххуллу буссар.

Дус оьсса кьинир кIул шайсса.

Дарваграву ччала къюлтI бан къашайссар.

Дургъумурди ххяххайсса.

Дусначансса ххуллу архсса къабиклайссар.

Дус цакуну къашайсар.

Дяъви бува, амма дакъылшиврийнсса ххуллу мур макъукъара.

Дусувадаки тIайласса, мурхъ бугъи чурх тIайласса.

Дус ува вияра аькълу буманая.

Дус бакIрах, душман ччаннах ургайссар.

Дус ан бигъассар, яан захIматссар.

Дусначансса ххуллу архмургу гъанссар.



«Илчи» – маслихатчи Гъарца къатлуву дикIан аьркинсса ххяххия

ИчIурасса ххяххиярттал (комнатные растения), жулва къатри, диц-куц ххуй дурну, авур бавришал, гъава марци бунангу, му марцишиву хъунмасса хIаллай диян дунангу кумаг бувайссар. Гъава чапал бунанмурдив цанасса чIумал шаттирал бакIрах чан дакъар, компьютердая, телефонная къатлий, гъарца къушлий дикIайсса мебель, ПВХ-рая бувсса чIавахьулттив ва магъи, линолеум, рубероид, пенопласт тий, ччимур стройматериал ва чIярусса цамургу. Гъавалувун загърусса затру итакъа-дакълакьимур ттизаманнай чансса дур.

Гъава марци бунан кумаг бавришал, къатлувусса ххяххиярттал инсаннал даки рахIат дуккан давривугу къачансса кIану бугълагъиссар, вайннул щюллисса рангирал жулва яру паракъат бувайссар, бигъалаган бувайссар.

«Щарнил ниттил маз» ягу сансевиерия

Гъава марци бавриву ча яла хъинмур ва ххуймур ххяххияну хъанахъиссар тещин язык (сансевиерия). Ва ххяххиялул лахъи-лахъисса ва щуттарисса чIапIал гъавалувусса буцирив токсинну бат бувайссар, углекислый газ кислородрайн буккан буну, гъавалул даражагу лавай бувайссар. Ва ххяххия хъинссар зун бикIайсса кабинетравугу, утту бишаймур къатлувугу. Ванин яргсса чани ва чIярусса щин къаххирассар.



Алоэ вера

Ва ххяххия къакIулсса нажагъссавагу акъахъунссар. Ваня бусланмургу къачансса бур. Цалссарив дакинийн бутанну, ванил мюнпатми ххяххиярттал сияхIрай хъьичIулнсса кIану бугълагъишиву. Ванингу къаххирассар чIярусса щин, яргсса чанирив чара бакъа аьркинссар.

Филодендрон

Ва хъанахъиссар тропикрал ххяххия. Ванил хъунисса чIапIал, къатта оьрчи-чIюлу бавришал, ксилол ва формальдегид тIисса загърусса затирттаца гъава марци бувайссар. Ва ххяххиялун щин

ва яргсса чани, я чан бакъа, я чIяву бакъа, дянивну аьркинссар. Ванийн гъинттул кIира нюжмардий цал, кIинттуллив ацIва гъантлий цал щин дугIаву гъассар.

Гихунмайгу буссар...



ХIадур бувссар Бадрижамал Аьлиевал



Газета «Илчи» (Вестник)

Учредитель:
Агентство информации и печати
Республики Дагестан

Хъунама редактор:
Къардашов Р. Аь.
Тел. 65-00-07

Хъунама редакторнал хъиривма:
Башаев Р.М.
Тел. 65-03-12

Редколлегия:
Адамов АьбдурахIман
МахIаммадович
Аьбдуллаев Сапарбаг Аьлиевич
Аьлиев ХIажу Сулайманович
Исрапилов Артур Анварович
КъурбанмахIаммадов Чанкура Рамазанович
Маммаев Сулайман
НурагIинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Аьбдуллаева А. П.
Аьдилов ХI. А.
Рамазанова П. ХI.
Тахакаева З. К.

КорреспондентIал:
АьбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву кIици лавгмур тIайлашиврул жаваб дулайссар чивчуманал.
Редакция макъалалул залуннал пикрилий рязину бакъахъурчагу, макъала рищайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачайссар ва ми залуннахъьун зана къадайссар.

Кказит буккайссар нюжмардий цал. Шиний итабакъайссар 52 номер.

Кказитрал индекс. П7046
Тираж – 2002 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД.
Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная



4 651116 280051


МАХIАЧКЪАЛА

Гъавалул тагъар

ГЪУМУЧИ



ДЯРКЪУ-ГЪИЛИШИВУ (С°)




МАРЧ (м/с)



0 0 0 0 0 0 0



ДЯРКЪУ-ГЪИЛИШИВУ (С°)



МАРЧ (м/с)



0 0 0 0,3 0 0 0